

嶺南詩存



王鳴雷

傳略見五律

楚宮懷古

題詩西過襄王墓。記得巴山寺裏鐘。夢阻細腰思窈窕。水生多葉怨芙蓉。虛無環佩行陰洞。髣髴精靈下碧峯。重到荊州憶王粲。亂山侵草馬頭東。

釋成鷲

傳略見五律

登大科峯頂

愛山登陟不辭勞。直上嶽岑振敝袍。老去始知行腳穩。年來唯恐置身高。青天有路隨孤鶴。滄海無根仗六鰲。閒倚西峯發清嘯。下方誰識是吾曹。

何絳

傳略見五律

崖門謁三忠祠

雙峯如闕。水迢迢。恍惚洪濤怒。未消使相有祠遺。海裔書生無  
淚哭。前朝空聞謝豹啼。荒殿無復黃龍起。暮潮禮罷苔階頻太  
息。兩崖風雨正蕭蕭。

身四句與元孝  
世不同

華山訪徐昭法

木蘭舟楫繫垂楊。十里溪橋到草堂。松子落山村路靜。稻花流  
水野田香。身因時異思深隱。客爲愁多帶淺霜。歸路向城回首  
數。柴門客去掩斜陽。

金山

萬里寒波一點青。碧欄朱檻晝燒燈。入江塔影隨林盡。倚石樓臺好。晚登魚聽寺鐘。知出食浪迴。煙艇渡歸僧。遊人莫向西南望。遠色蒼蒼是秣陵。

末二句傷明亡

### 小金山留別不退和尚

不到名山曾未幾。新栽松柏已成圍。石門峯好窗中見。竹徑雲閒寺裏飛。衰草岸邊孤鶴立。夕陽舟上數僧歸。通宵好月勞相示。還約春來及蕨肥。

### 九日甘泉道中

連天衰草漸黃昏。匹馬南來獨愴神。九日有霜彫木葉。十年無計謝風塵。金臺暫到聊爲客。易水長歌不入秦。遙憶弟兄當此

會登高應望遠遊人。

第六句落和自應甘勝下與危晉安敢向異人前又

### 都門訪程周量

綠楊門外解征鞍。乍聽鄉音似夢殘。別後新詩皆老癖。燈前細語幾悲歡。人於異地情偏淡。酒到深更力易寒。少小讀書懷北

闕。此身今已到長安。

不借與何衡陳恭尹梁韃陶璜稱北田蘇

州一派詢以李杜不莽

### 哭朱三質

草屋蕭蕭白日荒。哀君事事斷人腸。鼠銜畫筆藏陰瓦。僕賣圖書供暝香。少弟即時投遠友。聘妻從此適他鄉。秋風客散蓬門

後。空有高堂淚滿眶。

後四句率

挽陳大夫

水。犀。軍。散。士。心。移。五。十。餘。城。漸。不。支。一。死。報。君。閩。陷。日。孤。臣。盡。  
節。婦。亡。時。黃。麻。暫。慰。重。泉。恨。碧。血。長。留。異。族。悲。况。有。佳。兒。能。繼。  
述。直。聲。偏。起。後。人。思。

原而作萬姓悲較和

四出梅關

堪。笑。勞。勞。數。尺。軀。半。生。空。自。有。眉。鬚。長。吟。草。莽。多。新。恨。四。出。梅。  
關。尚。故。吾。西。去。楚。雲。連。七。澤。東。流。章。水。下。三。吳。山。川。滿。目。皆。惆。  
悵。天。下。何。人。是。丈。夫。

方殿元

傳略見五絕

燕子磯

嶺南詩存

七律

六十八

商務印書館藏版

迢迢鐵鎖繞危峯。峯上孤亭四望空。天險波濤連日夜。地迴龍  
虎失西東。六朝陵寢煙花裏。一代君臣旅夢中。金殿畫梁零落  
盡。年年飛燕泣春風。

泊京口懷諸弟

西風初起越江頭。九月寒波到潤州。日落煙迷瓜步。遠月高潮  
湧海門。秋歸吳客上西津。渡懷古人登北固樓。明日攜家寄蘇  
市。雁聲南渡不勝愁。

燕臺懷古

獨來此地聽悲歌。寂寞淒風奈若何。平野雪深迷督亢。大寒冰  
合渡滹沱。齊城有恨金臺草。燕市無人易水波。一自漁陽成郡

縣年年邊塞鼓聲多。

答友人

不到江城五六年。年來生事有誰傳。  
兩株陶令門前柳。一半顏生郭外田。  
黃鳥風邊行樂地。桃花浪裏釣魚船。  
翻嫌楊子無佳興。獨坐空亭草太玄。

薊州

九邊詩

漁陽內塞神州地。北望寧封祇白雲。

初永樂以寧爲外邊

改封鎮廢花鎮笳

吹陵樹曉。遼河烽火漢宮曠。秋風古峪橫。鴻影夜雪孤城索馬。  
羣。洪武舊兵零落盡。路旁猶說戚將軍。

寧夏



黃河黑水兩潺潺。哀笛寒笳去復還。秦塞秋風靈武郡。漢家明月賀蘭山。千渠蒲葦西疇好。萬戶牛羊晝燧閒。一自六軍擒唃拜。

唃明拜邊始禍

由

四方兵甲動天顏。

方還

傳略見五律

鐵嶺

九邊詩

鐵嶺迢迢接錦川。關城三面繞烽煙。春深秣馬蒲河北。秋老連營木葉前。滄海舊聞通運舶。金州誰解議屯田。諸軍自失橫江險。白草黃沙暗朔天。

薊州

北平雄鎮翼幽燕。千里潮河朔漠連。司馬高臺聞野吹。盧龍古

塞入秋煙開疆競說分三衛籌國何因棄外邊歎息寧封南徙

後遂令烽火達甘泉

永樂中寧王內徙而薊州始重為內邊此失策之大者始

### 宣府

萬全八翼接神京上谷千年漢將營地險旌旗藏殺氣山盤鼓  
角壯軍聲邊歌竟日來紅石鐵騎中宵度赤城誰識興寧殘廢

後漢南無計援開平

棄大則後土木之變又棄興和開平不能守矣

### 大同

馬頭北去是雲中極目川原處處同繞鎮衛城分十五沿邊都

闡轄西東

明初設山西十五衛

頽垣正接葫蘆月曠野長吹雕鶚

風聞道頻年猶調戍諸臣何策建奇功

九谷云東勝近年非馬軍誰識受降城正

統後東  
勝失守

山西

三關平列勢逶迤。日落連城鼓角多。帳外深煙迷衆堡。營前孤  
月墜長河。赤山寒谷驚烽燧。青塚秋原入駱駝。誰使總戎寧武  
徙。偏頭空曠牧人過。

榆林

榆林四望黃沙際。千里連墩絕塞天。夾道陳兵橫套口。長城環  
塹繞延川。徙邊御史籌無缺。史舊子俊綬請成移鎮榆林折色司農  
計。苟存。宏治中改延慶等府此地從來多勇敢。莫教枵腹事鳴

弦。榆林向耕牧於河套後失而軍折金谷

寧夏

鎮城西倚賀蘭關。滿目沙飛筆策哀。冰合黃河朝走馬。雲迷紅寺夜登臺。腴膏昔日稱蕃庶。蹂躪連年盡草萊。欲識金城舊方略。浚渠卽是靖邊才。

以自資陝西築邊牆之利也。渠

固原

秋入平原動鼓聲。弓鳴風勁塞雲低。漢家營壘沿山後。秦郡川原盡隴西。徵調頻年憂戍士。逃亡何計復蒸黎。徘徊險阻誰爲守。花馬池邊落日迷。

代固原爲八郡咽喉。虞詡守階州。開漕道。額

前內支策給矣。乖

甘肅

風急荒原落雁聲。西河霜氣迫連城。金笳幾處秋乘障。鐵馬成  
羣夜點兵。充國留屯沙際沒。嫖姚遺壘月中明。古來無限安邊  
策。哈密徒勞苦戰爭。

洪武五年宋國公下河西以嘉峪關為魯  
遂棄敦煌以哈密為甘肅藩衛陷於土魯  
王歸精為最煌燉云費勞何密九方會

羅元煥 章山人 諸生 南海

西園夜集同余東溟馮仰文高而卓

簾外黃花照眼明。一尊風雨坐秋聲。人隨旅燕家南北。客對邊  
鴻序弟兄。皋馬同時。文士重荆高。亡後酒人輕。山中事業曾何  
有。應念蹉跎已半生。

胡亦常 傳略見五絕

對弈

夜深深院一聲聲。敲落燈花氣未平。我眼已寬閒處急。君心誰料死中生。如留劫局終難了。打算通盤始是贏。底事不妨饒一著。何須黑白太分明。

何夢瑤

傳略見五律

謁李子長先生墓

子白 葬沙西高樵弟

石磴雲深鳥喚春。孤墳寒食紙灰新。九京容我尋高士。三疾如公是古民。死有名山堪葬骨。生無奇服不驚人。當時誰信風流

遠歲歲蘋蘩采澗濱。

子長 船頭覆釣月 雲明白沙 稱爲見道 語影

陳官

傳略見五律

與源水希有二上人夜話

廣長有舌亦何憑。眼見曇雲最上層。傲骨到今難入俗。達人未  
路半爲僧。悟來綺語皆真慧。參破枯棋卽小乘。我已醉眠師亦  
去。空天無影水無冰。

劉世重

仰山香山人  
康熙舉人

澳門

窮島陰崖有浪痕。銀樓粉閣自乾坤。番童夜上三巴寺。洋舶星  
維十字門。斜日聽鐘纔早供。妙檀羅拜又黃昏。思傳六籍敷文  
治。令識天朝禮教尊。

洗國幹

南海人  
康熙進士

遊海珠寺 六首錄一

雷奔電掣撼孤城。風雨年年長石鯨。僧鑿半扉容客入。樹剝空腹見雲生。千江夜落魚龍出。萬里煙消笙鶴迎。我欲乘槎邀博望。歸來載石問君平。

張錦鱗 傳略見五古

渡江

前身應是江南客。纔見金焦喜欲狂。一月風沙隨曉夢。半空樓閣出秋光。地連荆蜀開平遠。天入松寥接混茫。誰道東遊可乘興。早聞仙鶴化朱方。

羅耀孫

順德人 康熙進士 官都勻 築石湖別業



湖閣夜雨

溜瀉簷階鎖夕煙。竹聲松響共蕭然。一天雨掩閒吟閣。半夜風橫罷釣船。花委暮林香漠漠。草低寒砌色芊芊。此心不逐疏櫺去。好背孤燈便學禪。

李

恕

十人  
譚四會  
生

江州阻風泊鎖江樓下

桂楫蘭橈奈若何。東風纔住北風過。未能沽酒尋彭澤。好與裁詩寄汨羅。人在夢中聞社燕。漁偏浪裏唱蠻歌。可憐飄泊江樓下。不爲琵琶淚已多。

相傳樓爲琵琶亭故址

吳

函

竹屏番馬  
人官學博

賣文

已無奇字授侯芭。漫倚文成點不加。近飯屢賒兒女債。贖裘欲約子錢家。任教副墨終投溷。且博新醪小坐花。亦有適情聊自賞。名山應笑市心差。

書康對山李崆峒事

事。至。求。人。道。已。窮。有。名。生。死。見。難。空。救。章。一。自。煩。周。顛。鉤。黨。無。端。污。仲。弓。鄉。曲。負。才。歸。割。席。夜。郎。留。恨。贖。無。功。琵琶。莫。譜。貪。狼。曲。總。付。詩。人。賦。谷。風。

何

邵

傳略見五律

春日與諸子東郊看妓走馬

東風誰遣鬢邊絲。消盡雄心託酒卮。半醉共吟芳草路。一鞭驚見美人騎。閒來已恨髀生肉。夢去誰忘革裹屍。今日相逢重相感。十年還見射鵰時。

次和汪鹿江大沙塘寓齋同門人林雲軒賦

朱匣涵秋鏡影平。閒居騎省二毛生。誰傳丹訣留顏駐。坐對黃庭叩齒鳴。松愛千尋無佞屈。月歸方寸共靈明。旃檀懺悔從前事。不是煙霞不繫情。

離披殘菊更何如。檢點秋容節序除。塞上已聞翁失馬。濠梁唯。有子知魚。逢場處處看烏合。作賦明明託子虛。千載平原絲莫。

繡朱門新愛絕交書。

首又有落花詩十

趙希璜 涪川

燕子樓

春紅落盡小樓前。十二闌干月悄然。燕子空梁棲玳瑁。尚書在日惜翩翩。人歸一枕烏衣夢。我到長吟白傅篇。底事楊枝同此恨。老來情緒更纏綿。

第四句原作惜翩翩

芳名未肯累徐州。樂府新翻雙淚流。以色報人珠竟墜。有心戀主燕常留。芭蕉小院三更雨。畫閣湘簾一夜秋。試鑑盧家湖上

影。莫愁減得幾多愁。

趙涪川李載圖並學東涪川一時健者

蘇

珥

瑞一順德人乾隆舉子。與勞孝與等。同為督學。惠士奇所。知稱。惠門。八君。子。性簡。易。詩。古。文。皆。不。苟。作。惠。尤。士。

工書大吏以鴻博薦母老不與試

贈凌貴卿漢亭

九疑風雨暗。崎嶇八節波。濤險有餘世。路合裁招隱。賦俗情催。廣絕交書傳。聞入市人成。虎親見張弧。鬼滿車舊約。耦耕堂願。

築平田龜坼又何如。  
番禹志世傳梁天來七屍云八命事詭罪舉  
人凌貴卿而古儋贈詩云凌揚藻答黃

此香山書亦辨  
事之誣

黎簡  
傳略見五律

示袁睫巢

去年今夕露沾巾。官樹鄰園葉打人。憂患以來生有命。饑寒爭與病。勞身虛名城闕。喧佻乞食文章辱。鬼神喜爾論詩還。判

夜思家無夢已經旬。  
斷句一官纒罷  
百骸尊亦警

大夫岡懷石帆

大夫岡頭落日黃。海流東去作滄桑。我家一曲雁田濬。君近萬山獅子洋。塵埃風浪移今古。離合身名有短長。對此傷心兼望

遠。雨簑煙艇夢蒼涼。

七律 樵能至今日已難著筆

望仙坡最高樓

在眼山川故國情。崑崙寒翠古邕城。短長道里供離別。少壯交遊半死生。雲色黃茅秋瘴盡。沙光碧玉暮江清。平安郡邑南征

後。偶問途人不說兵。

此與下三首湖海詩傳所采錄皆二樵之平易者

雨中作寄呂秀才石帆

堅

不辨松聲接海聲。晝雲陰傍瓦簷平。夢迷上巳渾風雨。節感中

年憶死。生游戲。郢人須宋匠。窮愁遷史信。虞卿柴桑夙。志疏人  
事計。爲身謀。早課耕。江又收句云誰東去積酒塵沙問

### 問藥樵遺詩

頻年哀挽最傷心。死別流年日以深。桓鳥析羣知善哭。巴猿刻  
意在哀吟。已將飢餓遺家事。未免朋儕負夙襟。直到畢生難塞  
責。不勝明義繫人琴。

### 錄別張大谷十二月廿五日

柴煙糞火題詩處。去馬來牛作別時。爲設維摩花雨榻。無煩高  
適草堂費。張君爲設居停所頗整潔身先夢去唯應戀。客並春來不肯遲。

知爾看花還惜別。短篷疏櫂罄相思。

削迹

生如草木真爲死。士有詩書亦可貧。削迹返心求故我。賣文隨力飯。饑人流行適有皇天祚。安靜原知聖主仁。昨見老農途路說。今年風雨正停勻。

開鏡

掩書開鏡入中年。白日黃河急鬢邊。哀樂以來常夢鬼。死生無著轉疑仙。忍饑回首思香國。不飲何心望酒泉。早晚鱗魚學張翰。綠簑風起皺汀天。

不起  
用超  
鱸警  
魚極  
故矣  
佳收

復題亡婦禪病圖

清淨蓮花煩惱泥。年年齋禁太常妻。生爲幻女無身相。夢入禪



天接笑啼水火風災離衆病去來今佛訊菩提寒光桂窟私靈

藥題寄人間下月梯。山又蒼涼云月色醒沈沙郭樹悲壯江聲嘶入水村夜吳雨

託趨神茲者誰相識楚些魂兮飛不空待山影壓瀛竿霜黏雁背燕蒲白俗

鬼村少銅鏡聲夜種禦熊人響雲鐵弓蕉巾篙峒水客青樹螺髻竹一袖蠻口姬午赤移汗山

衫

### 春寒

盲風伏雨罨邊城。城下波濤氣不平。一枕春寒閣鄉夢。夢千家人語入江聲。沾襟搖落開楊柳。破被尋常得弟兄。仰愧營巢老烏

鵲拮据身為護雛輕。第五句 過鍊

二月二十九日題

東風留得幾分寒。散入江鄉山水間。柳絮學飛才點水。木棉落盡好看山。舞隨蝴蝶嬌。孩轉行帶蜻蜒病。婦閒二十九年回首。了。一般春日去闌珊。

村飲

村飲家家釀酒錢。竹枝籬外野塘邊。穀絲久倍尋常價。父老休談少壯年。細雨人歸芳草晚。東風牛藉落花眠。秧苗已長桑芽短。忙甚春分寒食天。

咏鶴

萬戶笑啼無限夢。千年城郭一長鳴。秋橫大澤煙霜闊。月碇寒潮天地清。滄海塵中君昨日。臨臯亭下我前生。也傷落羽今三

載。露。葦。雲。沙。空。復。情。

曉鐘

五更潮大月漫流海寺晨鐘  
瀕洞浮獨鶴孤雲渺何處煙潭風  
渚浩然秋江湖伏枕元多警  
今古橫胸敢說愁最憶鐵橋觀日  
了下方銅盞出龍湫

梨花

梅花去後人間月只有梨花得二分  
夜色銀屏鎖兒女曉寒粉  
蝶落風裾霧迷甲帳仙無質  
雨重春樓夢有雲無限晚愁飛一

片謝他穠李太紛紛  
起有神似梨花詩得此無負吟又心律起云  
客心勞似江上葉日夕苦吟江上風亦超

江上晴泛

漁村飲器古銅斗花港風漪青幔船兩箇白鷗千頃綠滿湖山  
影一堆煙沙銜日腳帆陰闊雲逐天根雨勢圓我可獨歌君可  
醉溪山供得杖頭錢

集 中 七 律 多 刻 奇 崛 此 最  
平 易 自 然 者 亦 何 嘗 不 佳

### 夜合花

夜合風情故異常。更無浩態有狂香。鴨頭力破重胎綠。魚子深  
團一撮黃。睡亦近人翻與坐。暗如觸處不宜光。關心碧玉瓜期  
及。冰簟銀牀夜未央。

### 陳昌齊

賓 臣 海 康 人 乾 隆 進 士 官 浙 江 溫 處 道 坐 鎮 粵 秀 級 講 師  
歷 官 中 外 數 十 年 以 氣 節 稱 及 歸 歷 主 雷 陽 粵 秀 級 講 師

席 有 經 典 荀 子 文 附 錄 呂 氏 春 秋 諸 風 變 考 誤 楚 又 辭 天 音 學 辨 脞 及 說 大 淵 戴  
記 淮 南 子 荀 子 文 附 錄 呂 氏 春 秋 諸 風 變 考 誤 楚 又 辭 天 音 學 辨 脞 及 說 大 淵 戴

天 賜 書 約 集 術

寄魚山編脩四首

時主講  
秀書院  
粵

聞汝言愁亦欲愁。茫茫身世費前籌。負人自具將軍腹。責我難逃子羽頭。未信華陰真有市。何曾棘刺解成猴。商量一榻安心法。那得人間聚窟洲。

斷句以釋平庸成卓絕未妨熱熱放生疏連

何南鈺

相文博羅人嘉慶進士翰林院庶吉士

丙辰南歸留別京中諸友

回首長安一夢中。都將成敗說英雄。守株待兔情堪憫。發屋求狸計未工。惜別幾同搖尾犬。乞憐羞學叩頭蟲。洞天第七吾家在。

在擬覓丹砂訪葛洪。

斷句一事無用為屠龍

杳杳銀河一帶斜。微雲無路覓仙槎。百年往事摩銅狄。三摘前

修。付。鐵。搗。得。句。有。人。曾。閣。筆。題。詩。無。意。待。籠。紗。龍。山。落。帽。傳。佳。

話。何。不。歸。來。學。孟。嘉。相。士。文。未。是。過。下。時。留。京。十。餘。年。之。始。作。成。

溫。汝。适。疾。貧。服。乾。闕。還。隆。進。道。士。卒。有。部。曲。江。集。以。考。證。老。摺。告。歸。齋。母。詩。文。鈔。致。

日。聞。錄。韻。游。學。略。記。聞。

### 武勝關

荆。豫。襟。喉。此。最。雄。山。川。形。勝。入。環。中。淮。從。北。折。連。河。駛。江。自。西。  
來。與。漢。通。澗。水。近。侵。延。鷺。埃。戍。兵。閒。引。射。麋。弓。黃。雲。滿。谷。千。箱。  
溢。還。聽。田。家。說。歲。豐。

羅。天。尺。傳。略。見。五。絕。

君。臣。塚。蘇。流。觀。花。橋。生。葬。紹。武。與。

流。花。橋。北。蔽。蒿。萊。孰。與。荒。原。酌。酒。杯。一。死。未。慚。俘。緬。日。九。原。休。  
羨。霸。齊。才。鍾。山。空。有。遺。民。泣。宮。樹。誰。爲。內。監。哀。不。道。白。雲。兵。燹。  
後。孤。魂。猶。得。傍。朝。臺。

過古樓尋鄒汝愚太史謫仙亭

從。來。無。定。是。煙。霞。路。繞。層。巒。見。落。花。才。子。何。妨。爲。吏。目。孤。臣。終。  
合。老。天。涯。苔。封。淺。澗。眠。黃。犢。葉。暗。前。莊。叫。暮。鴉。我。有。茝。蘭。無。處。  
薦。一。條。江。水。似。長。沙。

香奩

花。冠。初。戴。步。遲。遲。綺。語。分。明。誤。畫。眉。生。愛。夜。吟。忘。膽。怯。近。耽。春。  
病。怕。人。知。咒。桃。法。好。教。鄰。女。刺。蝶。衣。新。賜。侍。兒。多。恐。舊。栽。萱。草。

地漸添紅豆一枝枝。人又句云白首初歸雙峽客青山一病埋

陳份傳略見五古

送吳十一茂才赴某相國幕

十年高臥老滄洲。二月鶯花趁遠遊。下士無如今宰相。辟書原自古諸侯。借爲雷雨生天下。著就文章入鳳樓。徵調日嚴羈不

得一函秋水倚吳鉤。樂又古邨蝦蟇春鳩鷓鴣諸府借物警人最得古意

余錫純傳略見五律

中山懷羅司勳虞臣

深冬頻醉洞中天。望斷梅花憶曩賢。廷杖餘生存諫草。衣冠遺塚沒荒煙。江山不謝投林客。日月長留未死年。原子有書誰爲



獻。一。回。回。首。一。潛。然。原司勳集有

張錦芳 傳略見五絕

村居

生。理。朝。來。問。舊。鄉。年。華。物。色。共。徬。徉。薰。人。市。有。糟。牀。氣。近。水。門。  
多。繭。簇。香。桑。葉。雨。餘。堆。野。艇。魚。花。春。晚。下。橫。塘。新。絲。新。穀。俱。堪。

念。力。作。端。能。補。歲。荒。四順云德然村多又蠶桑安養旅魚夜龍云灘酒聲轉岸月故當

門午雲峯滿影溪到

胡定先過訪論詩兼訊玉洲遺稿

過。我。論。詩。挾。新。律。忽。憶。異。時。同。醉。吟。文。人。每。自。悔。少。作。志。士。未。  
全。灰。壯。心。東。風。落。筆。春。滿。眼。夜。月。寫。愁。梧。十。尋。冷。魄。憑。君。一。喚。

醒朱絃未絕靈牀琴

律葭七房五古卻律近學東唐七

整理落水書畫三首

章江風雪覆舟夜投同鄉同知蔡古愚衙宿

癖嗜年來幸屬饜。薄分清俸蓄殘縑。未除習氣朋儕笑。半壓歸裝僕從嫌。豪奪豈虞來罔象。慢藏應悔啟牙籤。買書盈篋剛留

得。始信熊魚不易兼。

舟書篋附友人全

護如頭目散如星。數定難辭小劫經。那復刻舟求楚劍。真看落水賸蘭亭。米家船在人猶識。顧氏廚空物有靈。豈獨雲煙成過眼。向來身世亦浮萍。

半脫裝池手重擎。試收餘燼眼猶明。英光深恃神能護。豪語難憑命可輕。於物多藏仍是累。與人同患得無情。潮痕狼籍相料

理寒具依然未許并。

雁又更錢唐江口塘聞山雁色云化煙羽全自入機夜客斷心後和

日稻梁時何意

### 英德道中

南山瞰江清若空。蒼壁題字苔蘚叢。我懷嘉祐六年記。舟怯英  
州三日風。孤城斗大漲痕縮。亂石雲屯樵徑通。攜取玲瓏壓臥  
具。煙嵐奇絕浮征篷。

山又韶陽道中曹溪水臨韶谷

### 吳門得李正夫書

幾紙鄉書弭櫂前。招尋異地渺無緣。吟成風雨還重九。夢落江  
湖又十年。燕雁來時朝伏枕。吳歛聽罷夜回船。淒迷虎阜山頭  
月。才話前塵意惘然。

題夏太常竹泉春雨卷爲宋芝山作

三丈溪藤玉萬竿。竿竿那僅鋌金看。誰其寶者周仲子。世或比之王孟端。復有詩篇能寫照。卽無泉石已生寒。舊藏最憶風篁好。葉葉秋聲墨未乾。

石鼎以書來索筆并藥方作詩寄之

經時望眼隔波濤。詩屋涼生夏筍高。一紙帖唯求鹿脯。三錢筆尙缺雞毛。藥煙燈影心情減。海雨江雲夢寐勞。何日桂叢招小隱。俗緣回首費蕭騷。

莊有恭

滋圃番禺人乾隆初  
狀元官至兩江總督

送袁子才改官沐陽

廬陵事業起夷陵。眼界原從閱歷增。况有文章堪潤色。不妨風骨露崢嶸。廉分杯水余同况。明澈晶屏爾獨能。儒吏風流正多暇。新詩好與寄吳綾。

馮敏昌

傳略見五律

忻州

滹。沱。東。下。會。羣。川。風。氣。西。來。乍。莽。然。山。似。連。環。包。大。野。城。如。腰。鼓。臥。雄。邊。驚。心。元。魏。分。爭。日。刮。眼。沙。陀。戰。鬪。年。更。上。龍。門。望。忻。口。代。雲。高。處。待。橫。鞭。

過桃花澗至馬家河坻村

四。山。環。合。古。原。斜。馬。姓。居。人。近。百。家。綠。鬢。當。壚。還。柿。酒。黃。河。繞。

岸更桃花遙山已入商巖望。近水仍將砥柱誇。縱有仙源人不  
到。何殊天上望匏瓜。

天津

糧艘五月下天津。雷雨三江動鬼神。自引淮河通運道。還標箕  
尾正星辰。上天真有乘槎願。橫海空餘倚劍身。安得驚帆行地  
外。南風如曠弩千鈞。

暮春有懷李勺海林浣雲

悽然風景苦沈吟。獨立茫茫悵別心。小鳥任從簾外喚。長雲空  
向望中沈。鄉情亂逐花飛雨。愁思多於絮滿林。我欲寄衣鐵橋  
上月明。終夜倚秋岑。

春晚二首和韻

愁懷於我黯如雲。惆悵何因更晚曛。  
花冷三千憐薄命，春消九十損繁文。  
竹窗簾卷青平合，柳浦帆迴綠暗分。  
誰信小屏山裏見，冶游初返厭羅裙。

一山煙雨滿亭涼，帶眼寬移瘦沈郎。  
成夢每懷雙玉玦，返魂先蓄十洲香。  
風微午院花房閉，人冷書樓鳥語長。  
寂寞芳時等閒過，溫存何用杜韋孃。

春陰細雨孤舟渡珠江

銅柱年來不記愁，珠江猶自泛孤舟。  
極天煙雨迴瀾渡，迴瀾橋名滿  
目風雲鎮海樓。劍冷尙憐春夢斷，琴枯翻怪淚痕留。  
篋中亦有

相思賦。敢向天涯作倦遊。

晚坐

秋色蒼然向晚屯。歸鴉零亂怯黃昏。鐘迴古樹峯前寺。人憶殘荷水上門。斷句嬾吟猶有思。幽懷孤往自無言。何人一笛南雲裏。吹出滄溟月半痕。

初秋夜興

秋氣茫茫不可尋。蕭然無語坐沈吟。寒燈細雨離人夢。團扇輕風怨女心。愁裏得詩人汗漫。忙中何計駐光陰。余情黯淡成惆悵。爲撥壚灰自鼓琴。

潘氏園亭晚坐



蕭然斜日上秋城。一望茫茫旅思驚。飛鳥不來雲自遠。寒花如夢雨初成。長年常見閒風景。得地寧愁舊死生。疏磬深峯渺無著。田園雞犬問躬耕。

八境臺

自贛  
粵經此返

艱難獨有孤舟客。憑眺還登八境臺。五嶺斷雲含雨至。兩江秋水抱城來。閒吟已失懷歸夢。高詠徒思絕代才。無限蒼涼自翹首。崆峒山色望中開。

仁化江口擬入丹霞不果

志士藏名孰可羣。丹霞遺跡至今聞。禪枯尙有餘情在山好。寧嫌俗念紛塵夢。與煙迷遠樹。歸心如鳥沒流雲。扁舟東下頻回。

首。無。數。蒼。峯。路。不。分。

江上寄友人

珠。海。冥。冥。日。漸。微。荷。塘。渺。渺。雁。初。飛。傷。心。此。際。頻。回。首。憶。爾。寒。  
郊。竟。掩。扉。塵。世。功。名。猶。有。恨。故。園。風。雨。未。能。歸。艱。難。正。少。相。逢。  
地。書。札。何。堪。更。我。稀。

夜雨與勺海

塵。事。消。磨。不。擬。閒。昏。燈。重。爲。寫。愁。顏。龍。門。自。信。登。無。路。海。上。徒。  
聞。臥。有。山。生。計。百。年。殊。可。歎。空。堂。一。雨。更。相。關。茶。杯。藥。碗。論。心。  
處。誰。識。蕭。然。足。往。還。

仇巨川

羊竹  
城嶼  
古順  
鈔德  
勒人  
竹布  
齋衣  
集有

題希夷先生癡睡圖

此公心只與天遊。形影何須問醒不。呼吸但能通造化。晦明端不限春秋。百年瞬息誰先覺。五代干戈此獨休。無夢漫隨勞蝶化。蘧蘧翻得笑莊周。

譚敬昭

傳略見五律

落花

詠一物感遇人較工拙不與

回首東風一問天。崇芳空谷自年年。多窮底事偏吾輩。薄命由來是謫仙。癡絕且隨春夢過。飄然不受錦茵憐。何時造化從人願。海亦無波月亦圓。

情天如醉幾曾醒。有客愁深掩素屏。好夢未成霞散綺。驚魂不

定。雨。淋。鈴。入。簾。柳。絮。三。春。雪。照。夜。梨。雲。數。斗。螢。歸。去。馬。蹄。香。可。惜。斷。腸。萋。草。向。人。青。

秋感

蓮。花。蓮。子。滿。溪。灣。南。浦。西。洲。幾。往。還。楊。柳。渡。頭。催。落。日。鷓。鴣。聲。裏。又。秋。山。長。年。作。客。衣。仍。素。三。十。閒。居。鬢。易。斑。桂。樹。叢。生。楓。樹。老。著。書。人。掩。白。雲。關。

李黼平

傳略見七絕

惠州

回。首。羅。陽。落。照。殘。蕭。晨。風。物。儘。相。看。煙。迷。鶴。觀。荒。荒。碧。水。抱。鵝。城。淦。淦。寒。萬。古。文。章。雄。海。外。一。生。事。業。寄。江。干。停。舟。無。限。遭。逢。

感也擬林婆酒盞乾。荆又燕城云馬春風且求盡招樂穀馬頭難化飛

鳥的脰

寓齋小集送石亭之保定南垣之開封恕堂之南昌時余

行期未定也

當時襍被出春明。餐飯逢人數寄聲。海上每嗟雲易散。花前初

喜酒同傾。故山遼絕無歸夢。名士貧來有宦情。此去三邦各乘

障。應憐孤客尙蓬行。後又槐江人開來白社中見過門云春風居屏藍人

杯初酒到莫婪辭尾春

五雲亭謁何忠烈祠

碧瓦朱欄俯逝波。升堂猶憶劍頻磨。唐家已見朝馮盜。漢使何

勞諭趙佗東第回翔辭祿數。時忠烈洪致仕武南園風雅授餐多斯人。

不起空高詠惆悵雲帆歲歲過。南園五子多入忠烈

卽事二首出宰昭文聖

三年飛輓備辛勤爲負官緝擬赴軍蠶室漫嗟桑葉盡燕巢已。  
被艾香熏星移貫索愁中沒風掣琅璫夢裏聞一箇錯成難再。  
悔故人曾勒北山文。

西窗月暗雨淋淋酒冷燈殘感舊吟對簿吾寧從牘背揮絃人。  
自辨琴音遠招翁伯來耕玉近向王陽學鑄金妄念未消鐘撼。  
起依然身在八寒陰。

上顏星槎制府四首

臥虎潭潭意氣豪起家郎署四持旄久知南海衣冠氣羣仰西  
平閥閱高天語近傳溫室樹臣心清見曲江濤十年夢賚昭融  
契暫爲杭民霈雨膏

使軺傳謁肅冠裾地近蓬萊作宰初

戊辰見公於蘇州會館

隱市未辭梅

福吏閉門已著趙岐書此間江水通前路終日天風扇太虛咫尺

泥沙能一運會看高浪跋神魚

時墨吏議下獄

### 太倉訪曇陽仙子祠四首

兄弟子師文肅次萬曆八年重九

去日仙

又見黃花映曲籬城南縹緲拜靈祠一灣秋水思羅韞當日春  
山學畫眉弄玉性耽樓上住飛瓊名恐世間知九霄未易聞鸞

鶴。且。向。苔。階。讀。舊。碑。

草木平泉擁麗春。香車不輟馬頭塵。璇宮織錦機聲歇。金谷簪  
花筆格新。廿九伏書無錯字。五千唐韻有傳人。烏衣馬糞多英  
彥。盡。乞。飛。霞。佩。在。身。

落梅妝閣問清修。入道唯應上界遊。翠水只今躑磬筦青溪。何  
故。謗。篋。篋。瑤。姬。暮。雨。嗟。成。夢。玉。女。明。星。看。洗。頭。地。下。有。人。逢。庾。

信。罪。他。詞。賦。太。輕。浮。

丹世傳  
亭為湯  
曇若  
陽士  
作杜

清。颯。肅。肅。薄。窗。櫺。值。得。雲。帆。半。日。停。自。落。塵。埃。多。患。難。欲。除。荆。  
棘。問。仙。靈。三。生。紫。草。昌。容。訣。一。卷。黃。庭。內。景。經。知。否。度。余。蓬。島。  
去。婁。東。門。外。卽。滄。溟。



宋 湘 傳略見五律

黃鶴樓題壁

笛聲吹裂大江流。天上星辰歷歷秋。  
黃鶴白雲今夜別。美人香草古來愁。  
我行何止半天下。此去休論八督州。  
多少煙雲都過眼。酒杯多置五湖頭。

白馮純以後芷灣允推大家超脫類太

鸚鵡洲

兩日停橈鸚鵡洲。接天波浪打江樓。  
靈風尚帶三搥怒。芳草難消一賦愁。  
從古異才無達命。惜君多難不低頭。  
秋墳莫厭村醪薄。何處曹黃土一坏。

江夜聞楚歌

莫是宮中舊舞腰。聲聲餘恨咽前朝。英雄兒女虞兮曲。落日哀猿下里謠。詞客有魂留夜渚。孤舟無伴讀離騷。如何一副千秋淚。不唱吾家大小招。

### 大江

東諸侯長朝。天子百谷王門走。大江天起風雲扶。氣力地開吳楚出。旂幢無愁兒女沙。淘盡有恨英雄浪。打降誰奏銅絃鐵綽板。萬山明月入船窗。

### 湖上感懷四首寄伊墨卿先生

都知湖海不曾腥。亂後還留夕照亭。三語竟成賢守讖。一官難共舊山青。琴聲古屋春調鶴。燈火諸生夜講經。父老百年纔拭

目。那。堪。重。讀。峴。山。銘。

夕照亭成  
月起

落。葉。淒。淒。滿。院。廊。豆。棚。頽。倒。雨。聲。荒。及。門。不。去。秋。星。曙。舊。幕。重。  
棲。春。燕。忙。說。鬼。東。坡。胸。有。淚。吹。竽。南。郭。盜。無。糧。留。題。到。處。殘。風。  
月。只。是。當。時。興。最。狂。

查大理淳家藏謝文節橋亭卜卦硯屬余爲詩

摩。挲。贖。墨。玉。庚。庚。想。見。夷。齊。萬。古。情。國。旣。無。人。焉。問。卜。臣。猶。有。  
母。此。埋。名。從。容。豈。愧。文。丞。相。流。落。曾。聞。玉。帶。生。同。是。山。頭。一。方。  
石。人。歌。人。哭。至。今。并。

題昆明池大觀樓壁二首

江。山。到。處。我。題。詩。况。是。登。樓。放。眼。時。此。水。自。從。聞。漢。帝。昔。人。誰。

實見滇池碧雞金馬今黃土段詔蒙酋古覆棋欲唱竹枝三百首徧傳騎象戴花兒

清明日舟中

江水聞歌也斷流誰家今日在扁舟野棠花開一路雪山鷓鴣啼千澗秋鴉隊趁人趨壠墓馬醫有鬼醉松楸生兒莫似舟中客淚灑清明只遠游

重題雲安寺茶花二首

又此風雲又此春寺樓遮覆又圓勻諸天合拭看花眼四海誰爲種樹人草木無才難富貴文章有壽必精神英雄奇氣名姝影君信留侯此化身

神仙無醉亦無醒。昨夜東皇觴百神。來路豈真獅子國。茶俗有洋

番風長壓牡丹春。山茶最番風。夢中彩筆傳名士。天上朱霞立異

人。難怪外間桃李笑。此花肝膽太輪囷。又句尋常籬落無黃犬

何事猶消福。酒屏更傷生。可學仙蹤。青天氣朔。偶迷日。闕

### 春日重題大觀樓二首

樓上春雲住。又飛樓前春草綠。生肥舉頭莽蕩身何處。釀酒蒼

茫醉未非。三島遊仙他日夢。五湖垂釣幾人歸。毬場牧馬將軍

老。誰話天山雪打圍。

湖花湖柳此依依。天下春光兩燕飛。好水自頭連尾看。諸山從

古到今圍。百年作客原如寄。竟日登樓只不歸。此曲莫傳王粲

和怕教游子淚沾衣

祭竈

不。乞。烝。豚。且。擊。鮮。不。求。成。佛。又。生。天。官。經。三。考。二。千。石。水。飲。回。

流。七。八。年。飲。溼。有。去。回。復。流。回。水。壯。不。如。人。何。況。老。貧。終。非。病。未。須。憐。東。

皇。若。問。臣。消。息。莫。道。萊。蕪。甑。久。懸。不。又。遣。成。胡。愁。蝶。云。不。莊。竊。周。王。看。花。不。有。竊。淚。鈎。

青。空。多。感。觸。離。憂。和。相。如。應。悔。題。橋。柱。冷。落。雲。臨。日。夜。舊。酒。樓。中。

紅拂

洒。洒。風。花。何。等。春。夜。深。呼。酒。洗。風。塵。竟。能。識。我。浮。沈。日。如。此。關。

懷。將。相。人。劍。割。心。肝。無。劇。孟。雲。流。頭。髮。有。巫。神。寧。知。多。少。平。生。

淚。我。看。青。衫。他。舞。巾。

又游龍泉觀看梅感賦四首

問客何因發興孤。十年廊廟一江湖。青雲富貴家家有。白日神仙處處無。放出頭爭此著。棄家學道亦迷途。芒鞋竹笠青衫

子。隨意藜端掛酒壺。又云我豈無情入世來。君恩父母德。子孫材。獨慚飽飲滇南水。涓滴曾無補草萊。芷灣

詩以獨來古詩之法為五七律不從東坡太白悟入

馮詢子辰番士人嘉慶

得廖豸峯書知改置嶺南賦詩寄慰

蠻煙瘴雨足驚魂。往事淒涼且莫論。誰分道途憐謝奉。卻休風浪怨章惇。人從黑獄傳詩卷。天與青山記淚痕。君是異鄉吾故里。梅花相憶各傾尊。

泊清遠峽

又留塵影到江湖。雨笠風衣事事粗。試茗泉如禪味澹。擁書燈共客心孤。親年七十一官待。驛路三千八口俱。只有琴書無儗石。可能高臥學潛夫。

陳大經

子常庚申舉人嘉

雜感

第二首

縱遇邯鄲猶故步。不逢師曠莫新聲。生前李志先無氣。死後王麻尙有情。水到東南仍未盡。天臨西北亦曾傾。蕭條更莫登高望。滿眼秋山見不平。  
子常後為常熟縣城隍神附魂母  
體與弟子持茂才問答聲音儼然

顏惇恪

心齋南海人  
乾隆進士

七律



李載園明府齋中食冰鮮

爛漫銀花雪片虛憑誰博物註蟲魚偶尋水族加恩簿似勘山  
公啟事書寄遠尙留封鮓在嘗新應念進鮮餘江鄉風味苓簪  
夢陽鱗紛紛定不如

不減張  
船山

又旬云願我自漸酒帖安穩無如澤車均

清明日過古墓

何年宿草又萋萋不見行人信馬蹄華表月明丁令老墓門花  
落子規啼最愁向秀悲長笛敢忘喬元奠隻雞冷節又逢淪落

後此生真欲醉如泥

又展墓云暫墓卻慚王  
內史作碑猶待蔡中郎

張維屏 傳略見五絕

荏平旅次題壁

疑雨疑煙馬後塵。乍寒乍暖客邊身。暮禽有意欲留我。老樹無言多閱人。家遠寸心如轉轂。路長雙足是勞薪。荒村澀酒難成醉。更聽琵琶一愴神。

十二月十九日東坡生日翁覃谿先生招同法時帆宋芷

灣洪介亭顧南雅吳蘭雪集蘇齋拜笠屐畫像

四海知公雙鬢皤。年年置酒壽東坡。高齋更展烏雲帖。出觀天際烏雲

帖墨蹟和谿首

下里難酬白雪歌。淘盡英雄江水急。敲殘春夢

寺鐘多鬚眉。笠屐俱無恙。玉宇瓊樓近若何。

黃鶴樓

仙人去後詞人去。但見長江日夜流。江上白雲應萬變。樓前黃鶴自千秋。滄桑易使乾坤老。風月難消今古愁。惟有多情是春草。年年新綠滿汀洲。

愁

催殘青鬢送華年。來似春潮去似煙。一半易消唯酒後。十分難遣到眉前。根原自種憑誰拔。藥不能攻比病堅。天上迢迢如可寄。欲分滋味與神仙。

夢

黑甜鄉遠去何之。百歲光陰半在斯。悟破邯鄲吾喪我。飛來蝴蝶子爲誰。精魂異代能相接。苦樂同牀各自知。一笑夢中聊說

夢。大。家。都。是。睡。酣。時。

秋懷

八首錄三

天。高。雲。淨。見。秋。容。搖。落。何。關。浩。蕩。胸。晚。徑。日。斜。明。橘。柚。澄。江。水。  
遠。淨。魚。龍。風。煙。萬。里。愁。征。客。寒。暑。三。時。憫。老。農。慚。愧。腐。儒。謀。食。  
拙。杜。門。粗。糲。養。疏。慵。

莽。莽。荆。襄。厭。甲。兵。忍。看。魑。魅。困。蒼。生。風。呼。陰。峒。蠻。苗。出。月。照。荒。  
城。妖。鳥。鳴。娘。子。軍。容。誇。左。道。丈。人。師。律。重。先。聲。讀。書。殺。賊。男。兒。  
事。莫。讓。終。童。獨。請。纓。

湖道  
北光  
亂初  
事業

頻。年。瘴。海。樹。戈。鋌。吹。角。鳴。鉦。潦。霧。邊。風。裏。刀。腥。龍。戶。竄。潮。頭。煙。  
黑。虎。門。懸。已。看。徵。側。爲。窮。寇。誰。道。孫。恩。作。水。仙。袞。袞。驚。濤。休。恃。

險將軍。天上下樓船。

張保仔鄭一嫂等擾沿海郡

辛苦人來蛟鱷叢。江村守望百家同。鼓聲亂春潮裏。刀戟光

分夜火中。所患是兵還似盜。但求無罪忍論功。羣黎頌禱渠魁

怖鬚鬢。蕭蕭老總戎。

又黃總戎行將星墮地來悲風盡瘁死當為鬼雄

旅懷雜感

嶺雲迴首渺天涯。春到江南旅思賒。帽影鞭絲游子路。酒旗歌

板美人家。輕陰門巷雙雙燕。薄暝樓臺點點鴉。十二碧欄簾盡

捲。天桃無數倚風斜。

風緒煙光總可憐。罽袍欲卸試吳棉。雙柑釀暖聽鶯地。百草吹

香射雉天。古刹客來談寶劍。芳郊人去拾花鈿。摩挲醉眼蘇臺

近。土。碧。成。花。有。鹿。眠。

短簿叢祠送曉鐘。虎邱孤塔插晴空。歡場跌蕩煙花裏。梵宇參差紫翠中。驄馬有時行蹠躩。鷓鴣無賴唱玲瓏。五人墓上頻澆酒。花片飛來似血紅。

破楚門空霸業銷。春山猶作翠眉嬌。生公法滅留頑石。伍相魂飛徙怒潮。扇影衣香三里霧。風廊月榭百枝簫。扁舟載得吳宮月。直到揚州廿四橋。

騎鶴何人自在行。竹西亭畔綠楊城。珠簾十里春風面。舫三畫更夜月情。小杜鬢絲煙黯淡。阿麼頭頸鏡分明。迷樓簫管青樓夢。併作邗溝一夜聲。

選舞徵歌樂未央。牙旗玉帳氣飛揚。春風燕子燈前影。暮雨桃花扇底香。上將登壇悲擊楫。重臣開府愛雕牆。長淮閱盡興亡事。依舊滔滔送夕陽。

老翁扶杖古城邊。水患奔騰話去年。草野自逢河伯怒。朝廷屢發水衡錢。帆檣風利千艘渡。畚鍤雲屯百丈堅。三策至今誰賈讓。宣房籌畫正需賢。

六朝淘盡大江橫。夢裏輸贏幾戰爭。武庫南來留將略。深源北去有時名。煙中樓閣金山寺。天際帆檣鐵甕城。又被輪蹄催上道。五更風送馱鈴聲。

不出里門作詩苦無題目故舉人會試尙  
借所過作詠懷古蹟數篇閱之生厭此輒

張維屏

都門秋思

四首錄二

崑崙中脈遠崢嶸。翼翼山河拱帝京。雙闕雲盤龍虎氣。九關風  
肅鶴鵝聲。玉虹跨石飛泉淨。金爵騰空旭日明。何事崆峒談道  
訣。至尊宵旰念蒼生。

天半清霜壓怒鵬。嵯峨樓觀倚丹霄。白河雁去傳秋信。紫禁人  
歸賦早朝。夢裏蓬蒿蝸舍遠。眼中塵土馬蹄驕。思鄉懷古愁如

海。轉覺名心似落潮。

又句 南海月華今夜  
白 西山雲氣古時青

遣恨四首

依舊星辰愴俊遊。紅牆銀漢望悠悠。冰輪蝕破蟾蜍泣。玉杵春



殘。蜥。蜴。愁。錦。里。看。花。偏。隔。霧。茂。陵。聞。雨。易。傷。秋。香。泥。千。尺。埋。雲。  
子。腸。斷。金。魚。鎖。畫。樓。  
水。邊。樓。閣。黯。輕。陰。佇。苦。停。辛。思。不。禁。小。雨。似。煙。寒。悄。悄。遠。天。如。  
夢。晝。沈。沈。月。中。楊。柳。曾。舒。眼。風。裏。芭。蕉。未。展。心。莫。向。蓮。塘。重。倚。  
檝。紅。衣。狼。藉。冷。珍。禽。

淮陰釣臺

弓。藏。烏。盡。不。堪。論。雲。夢。歸。來。伏。禍。根。倉。猝。豈。知。丞。相。詔。生。平。曾。  
拒。蒯。通。言。功。臣。權。盛。原。非。福。國。士。途。窮。易。感。恩。千。載。釣。臺。臺。下。  
水。至。今。嗚。咽。爲。王。孫。

徐良琛

傳略見五律

野適

出門滿地走。落葉獨客挈。影行斜陽天。青沙白鷺鷗。淨秋老水寒。菱芡香。破罨掛樹釣。父臥小笠側。日歸人忙。當流赤足踞盤

石。浩歌拍手風泱泱。

斷句夕陽在山歸鳥  
亂落葉滿地行人稀

水仙花

韻限 蕤

微波縹渺步凌兢。一縷幽香燕寢凝。瘦倚袖中東海石。寒偎硯北半池冰。天風約鬢愁無語。湘水湔裙凍有稜。我正含情擁瑤

瑟。曲終人遠喚難膺。

石溪云淡極有情頌玉佩靜如無語背  
燈夢秋又有句云明月何曾長滿滄波

無力使西流老成頓盡生  
何恃門戶深期事半虛

崔

弼

鼎來番禹人  
嘉慶舉人

答屈超元

八首時以藏翁  
山下獄獲免

道。援。堂。前。欲。斷。魂。難。憑。青。草。對。黃。昏。不。將。一。死。酬。君。父。空。著。遺。  
書。累。子。孫。煉。石。已。無。天。可。補。覆。巢。寧。見。卵。猶。存。西。陵。臺。下。歌。千。

疊。擊。竹。傷。心。不。忍。論。  
鼎來與謝澧浦齊名曾賓谷所賞識其  
入峽句云百丈牽從雲裏過一篙撐入壁

行中

林伯桐

傳略見七絕

游光孝寺遇馮佩亭

不。為。逃。禪。只。避。喧。此。心。何。處。動。風。旛。新。燈。未。見。白。蓮。社。舊。雨。都。

來。甘。露。門。  
陸朗川蕭萃村梁  
小。院。看。花。春。有。腳。夕。陽。臨。水。鏡。無。

痕。番。山。明。月。相。同。否。預。約。涼。宵。仔。細。論。  
佩亭

舟中夜起

天遠江平水不流。羣山萬木一扁舟。  
森森風露催華月。閃閃星河近素秋。  
萬里行途真野雁。誰家清夢到沙鷗。  
吟成不敢燃犀照。或有神龍夜出遊。

陸樹英

春圃高要人舉人

磧西道中

鹽城知縣瑩吏議城伊縣瑩

大荒西去景全非。白草黃沙入望迷。  
馬與冰流爭路走。人從風勢帶山飛。  
一官濩落途多險。萬里飄零淚暗揮。  
天縱有涯行未盡。悠悠何日稅征騑。

盡悠悠何日稅征騑

又有五月披裘過雪山句著上集有奇氣莫雁山題云艱苦漸更才漸老始知霜

雪亦君恩吳石華題云墮竹淚伊詞譜入拍筮換篋涼紅燭高寒虎帳秋聽到羈臣齊墮竹淚伊詞譜入拍筮換篋涼紅燭高

謝光輔

漁璜番禺人舉人

度瀧

楚水東流日溯洄。亂山圍處八瀧開。舟如蚱蜢穿叢出。人似蟾蜍入窟來。日午煙嵐初化雪。風晴灘勢亦如雷。蠻煙漸遠沅湘近。何處章華訪古臺。

張子京

小宋西寧人乾隆舉人

登媯州玉皇閣

崔巍新閣枕層巒。雄鎮邊州最壯觀。山勢東奔連上谷。河流西去會桑乾。三關雲色隨鴻遠。萬里風聲入塞寒。獨有憑欄一回

首。薊門南望是長安。

又句浪湧有花連。山奔如馬入金陵。

李士楨 東田番禺人拔貢

幽居

秋風瑟瑟晚涼初。野月荒荒射古渠。榕子打街螢照鶴。草根團水鼠窺魚。西聞戰伐翻華蓋。北覲寒芒運斗車。前有臥龍人不

識。但栽桑樹對茅廬。識作謔庸刻不肯

黃培芳 傳略見五絕

許編脩滇生招遊淨業湖 刹卽海十

東華鐘曉雨初收。渚北閒行狎野鷗。煙水綠迷芳草路。藕花紅

入酒家樓。欲沿海印尋詩石。近李西涯故宅莫濯塵纓近御溝。十

頃湖光同選勝。玉堂清暇擅風流。

蘆溝早發

桑乾遙導亂流侵。綰轂都門轍跡深。一水河梁千古月。九州人物五更心。雕闌獅子尋文石。茅店雞聲出遠林。最是馱鈴催去急。霜寒煙白憶分襟。

初至陵水學廨偶成

五指峯高迴絕倫。河流如帶抱城闈。天涯宦況娛慈母。海外文章媿古人。十里斜陽椰樹圃。數家秋水峒歧民。文翁化俗談何易。辜負諸生載酒頻。

陵陽秋興寄諸故人

閒官風月任婆娑。獨坐虛堂發嘯歌。林下襟期秋士少。海濱習

俗夜郎多憑高盡見山宮霍聽讀真愁豕渡河又是一年霜氣  
肅浮生難返魯陽戈

後圃旁開一徑斜。衙齋幽勝似山家。留賓小話同看竹。課士餘  
閒。但種花數點殘紅穿樹果。半棚新綠上牆瓜。登場見說將新  
穫。隱隱村墟過犢車。

紀陵陽黎俗

終歲炎風蔚峒谿。狃獠遺俗見岐黎。荒山嵐瘴黃麩出深樹人  
家。謝豹啼土物幸通重海北。巢居多在亂雲西。寶停伐木名土司

木為城。增城戍。隱隱寒煙靜鼓聲。霞又瓊島句云風搖翡翠駛椰葉

縣市香。又翫冕得終。泉石福山。林留與子孫。看蓋為黃文。裕泰



言泉之精也廬

朱次琦

傳略見五律

春懷八首

錄二

恩恩枯燒動陳荈。漸漸飛花落酒杯。有用年華虛攬鏡。不勝今昔強登臺。流連佳日供多病。省識名心媿不才。文字起衰思。七發向來那遽薄。鄒枚。

人海波瀾日夜浮。無心我自汎虛舟。飽經憂患豪懷減。弔徧興亡古淚收。讀易正須明損益。著書何必待窮愁。開編好趁花時節。古意今情一闡幽。

小除夕書懷四首

天高醉後欲橫參。人事侵尋感不禁。名士本來如畫餅。窮交從古重分金。一燈促席窮年飯。孤枕空山此夜心。息盡塵機皈淨土。明春相憶薜蘿深。

七月十四夜大隄上作

萬井蒼涼又告災。憑高小立一懷開。月華洞洞隨行策。秋氣微微蕩劫灰。海上雲雷餘漲急。日南文物采風哀。豪吟巨壑笙鐘

應恐有潛蚪作和來。

上又風帆破鈔蘆沙鳥孤開音

十六夜復登忠良山

今宵仍作月圓看。刷眼登高一改觀。百粵山河迷積氣。萬家魂夢送狂瀾。山靈可笑重來急。人世無如獨立難。絕頂峰頭今作

主年時原不懼高寒。

石面團團凍欲冰。最荒涼處倩誰爭。窮溟雲重天無力。哀壑風

高月有聲。揖鶴正思疇昔夜。棲烏誰報短長更。崖巔恨少梅花

國。留住行滕臥玉英。

聲又便新松云棟材未陳蓮史先生賞之風

過明二夜話追悼賁亭秀才

賁亭死試

颯沓愁雲墮古祠。吟猿唳鶴有餘悲。笙篴樂府公無渡。金錯佳

人。我所思何處。招魂歸屈子。可曾穿塚傍。要離清才例使蛟龍

得千載哀歌為涕洟。

謝張十二

百妄紛紜不自芟。鬚眉磊磊語喃喃。古人不作吾安放。世路將

深骨已凡。每苦儒風。侵任俠久。因騷雅惜。彭咸多君。遠惠長生。訣含糗藜。羹勸老饒。

吳榮光 傳略見五律

楚

亂峯無數大江東。七澤微茫夕照中。山鬼薜蘿湘女竹。美人雲雨大王風。騷才屈宋真千古。霸業荆蠻亦一雄。畢竟人心三戶在。亡秦當日惜匆匆。

春程十二首

金焦雙簇樹離離。如鏡波心晚棹移。六代江山餘北固。五湖煙雨葬西施。歌殘絃管迷樓歇。說到英雄狠石知。惆悵二分邗上

月夜來偏照水仙祠。

第一泉過第二泉。雙篷終日起茶煙。春江鐵甕城邊路。夜月金  
閨郭外船。沙戶數家芳草岸。山塘七里綠楊天。南中師友重相  
訪。爲話鴻泥已十年。

潘正衡

工鈞石番禹人有爲從子簡書畫藏弄甚夥因以黎名學

齋有藜草

二月十二日

漠漠庭陰生綠苔。年光如夢漫相猜。水楊柳暗江初漲。山鷓鴣  
啼。雨。又。來。燈。影。半。窗。人。病。酒。春。心。二。月。客。登。臺。棠。梨。花。謝。玫。瑰。

放廿四番風故故催。

又句云萬綠酣春  
雨孤紅破曙煙

懷仙

彩雲吹散暮空青。銀漢紅牆望幾經。多病心情春悄悄。薄寒天氣雨冥冥。淚消風裏三條燭。夢隔堂前六曲屏。不分鳩媒終作妒。青鸞信渺戶長扃。

壯懷

壯懷濩落病蹉跎。拊髀行吟擊筑歌。漸老年華到鬢鬢。從來人海有風波。文章乞食酬知少。城闕虛名所閱多。堪歎沐猴羞鬪狗。要銷秋殺養春和。

春愁

愁倚春窗對鏡奩。強扶苔露上鞦韆。尖一分花事。二分月。卅字闌。

干。丁。字。簾。青。瑣。畫。寒。飛。燕。燕。紅。樓。人。遠。夢。鷓。鷓。又。從。岑。寂。添。惆。  
悵。風。捲。棠。梨。雨。打。檐。

陳 同

小鄭順德人  
道光進士

晚泊

莫。問。山。程。更。水。程。疏。篷。晚。泊。露。花。明。雲。含。宿。雨。星。生。暈。風。泊。寒。  
潮。月。有。聲。吟。罷。茶。煙。寒。午。夜。夢。回。人。影。兀。孤。檠。圖。南。旅。雁。飛。鳴。  
急。惹。得。鄉。愁。一。夕。生。

徐叶英

南海人  
秀

聞雁

何。處。飛。來。絃。上。聲。人。間。天。上。共。悽。情。莫。爭。先。後。爲。賓。主。寧。識。炎。

涼。有。弟。兄。弟。夢。山。問。關。來。訪。萬里。翱翔。雙。翼。健。一江。搖。落。早。寒。生。十。年。

去。國。懷。鄉。客。此。夕。樓。頭。夢。易。驚。叶。英。嫁。山。陰。何。為。炯。文。居。粵。胡。氏。生。二。子。何。母。先。

尼。女。庵。利。故。借。題。逐。寫。叶。怨。樓。

張岳崧 傳略見五古

邗上哭吳山尊前輩

鴻。雪。重。尋。水。一。方。蒹。葭。蕭。瑟。露。為。霜。風。流。老。輩。嗟。雲。散。水。竹。精。廬。自。夕。陽。挂。劍。正。摧。吳。季。恨。碎。琴。終。為。伯。牙。傷。不。堪。回。首。邗。江。

別。惆。悵。西。風。老。淚。長。自。註。鴻。雪。先。生。有。

黃德峻 琴。山。高。道。光。進。士。要。人。

漫興



溪中煙雨半模糊。溪上煙嵐如畫圖。三里五里水楊柳。一聲兩聲山鷓鴣。偶然得句有時有。隨便看雲無處無。眼前好景說不出。喚起阿章爲我摹。

宋詩佳境

鄭棻

傳略見五律

### 邗江春興

燕城今日不荒蕪。春色南來引興孤。雅宦誰傳何水部。眞儒吾拜董江都。心傷大業煙花記。身入揚州士女圖。廿四紅橋行不

得。二分明月照啼烏。

斷句如詩中天子王摩詰泉下才人薛道衡春風楊柳黃驄陌夜梨花白燕庵悲

歌縱福慧英雄不溫幸是清閒絕似李滄溟

### 夏州詠古

賀蘭飛嶂倚城壕。統萬風煙昔日高。黑水夜衝元昊陣。黃河秋洗赫連刀。八千遠貢羈留易。十四雄州坐擁豪。回首羌戎成底事。稱王稱霸總蕭騷。

塞風煙開身信臥龍語均雄壯其詩才似倪秋槎

### 早秋寄懷里中諸子

秋水情懷百不宜。挑燈重檢故人詩。文章結客原非計。造物生才轉怕奇。入世易輸無患子。棲身難覓最高枝。遊仙說鬼都堪

痛。况是離騷醉讀時。

又句沈云家懷仙閉戶春風又白變到家庭事大難

梁國珍 玉臣番馬人

翦剪輕寒雨似塵。閒居無賴過花辰。到頭萬事有今日。知己一  
生能幾人。鳥語鶯聲酣酒夢。薰爐茗椀伴吟身。杜門且把新詩  
理。句裏微疵稿易頻。又句云最鍾情甚唯吾

蔡錦泉

春帆順德人  
道光進士入翰林

村莊

爲要攀留過客車。小家卻拓大門閭。壚邊酒飯茶湯麪。門外牛  
羊犬豕驢。一片黃雲麩麥熟。三分綠水芰荷舒。廟中恰有村夫  
子。也遣兒童略讀書。宋調非東派

顏斯緝

菊湖南海  
人拔貢

春陰

山館留雲俯夾城。新雷塘外過來輕。湘簾未捲燕相語。桑葉成陰鳩獨鳴。煙濕一林胎筍出。水深三尺婢魚生。賣花人自饒春事。忙煞街頭處處聲。

鍾啟韶

傳略見五律

揚州

戟蒲絲苻映迴環。苑外清渠郭外山。送笛有風皆過柳。到橋無水不生灣。諸天紺碧含飛動。別院禽魚識往還。誰遣匆匆倚歸櫂。紅燈留醉藕花間。

過金山

瓜步微茫生晝陰。石盤陀聳青楓林。浩然直控海門勢。秀絕不

知江水深。空際樓臺疑蜃結。夜來風雨定龍吟。殘鐘一破孤舟  
夢。北固蒼蒼自古今。

澣墅

暝雲迢遞接吳宮。點點歸鴉淡淡風。半月橋橫深樹底。萬家燈  
碎亂流中。惠泉沽酒愁堪破。陽羨營田計亦工。何事離人眠不  
得。赤欄干外唱歸鴻。

來又隔句水雲煙如詩思懶過船風學酒羣人顛五走

更對窗我開格事到珊大難唯匣有達山家懶能惱粗可不干如美耕山無氣人忽晴一還樹忽桃花

野山吟一派寺格又調略遜嘉道錄數首以漸概其隨園

倪濟遠

傳略見五律

暮登興業城樓

雷世不世不...

高原深箐古城垓。極目秋屯萬馬來。小隊弓刀狼總健。大嶽風  
雨虎。俛哀燒畚漸近。猺蠻俗借箸真慚保障才。差喜豐年多黍  
稌。柴門都到四更開。

秋槎  
後當以李  
繼子有明  
何李七子  
餘響宋芷  
灣

### 鬱城雜感

闍黎鐘鼓過端陽。牛背今朝出眼光。飲壑天垂雌蜺紫。種山人  
踢熱雲黃。才銷老瓦捶詩硯。夢入孤檠說鬼牀。深淺龍船沙面  
水。可憐蘇小是家鄉。

佛桑花發海東頭。竿拂珊瑚舊釣舟。長劍短歌天下事。猺雲蝥  
雨古時愁。垓臺一慟陳同甫。款段吾師馬少游。閱徧人塵僧亦  
老。松龕對臥話山邱。

落葉

撼撼銀牀一夕陰。廊簷風勁紙窗深。空山是處尋行迹。秋士無端抱苦心。艇外寒波湘水笛。鏡前老淚雍門琴。死灰試撥應重

熱。好向瓶笙證去今。

秋槎  
棉舟  
相才  
伯調  
仲與  
鄭

仰屋

叱咤曾經萬馬暗。年華彈指去駸駸。庸才例好談經濟。大錯誰當鑄。古今墮地生天來。世劫賣漿屠狗少。時心簪裾好是磨人。物磨到微塵一樣沈。

感舊

戲把芙蓉兜率天。凌雲一笑法華禪。越江執手思王子。緱嶺吹

笙○作○散○仙○苦○厭○青○睛○徐○騎○省○徒○傷○白○髮○李○龜○年○三○塗○八○難○消○除○  
盡○未○了○前○因○感○逝○篇○

青○翰○舟○迴○記○水○涯○一○雙○人○影○鏡○中○佳○國○風○好○色○淫○何○敢○天○日○明○

心○死○便○埋○狸○臥○殯○宮○杯○在○地○烏○啼○故○宅○葉○填○街○琉○璃○硯○匣○誰○料○

理○瘦○減○腰○圍○賦○綺○懷○  
斷○誰○繪○流○亡○希○鄭○俠○擬○論○驥○鐵○仗○桓○館○寬○幾○人○多○

湖○勳○名○肆○稀○俗○骨○最○難○卿○輕○富○貴○才○人○不○幸○託○神○仙○人○為○時○傳○江○

李光昭 秋田嘉應人諸生

陸春圃明府遊羅浮寄贈

四○百○三○峯○任○爾○行○曾○經○一○萬○五○千○程○路○窮○絕○漠○流○沙○地○詩○老○陰○

山○畫○角○聲○  
伊曾譙半○世○風○波○歸○訴○我○前○秋○霜○月○伴○談○兵○孤○筇○更○上○



羅浮策。憶汝雲中吹玉笙。

種竹二首

未得涓川千萬畝。也須庾園三兩竿。乞取鄰家綠。个个植之花。圃青盤盤不疏不密不凌亂。宜風宜月宜秋寒。呼童縛帚四圍

掃。無使塵葉傷青鸞。

以古詩  
爲律詩

天寒日微碧。雲起恨少亭亭。美人倚青猿。子規啼薜花。雲夢瀟湘。隔窗紙。此中寒碧搖玲瓏。使我離憂滿湘水。明朝抱甕滋靈根。但得平安我歡喜。

黃玉階

蓉石  
番禺  
刑部  
人

讀赤雅三十三首

錄八

胄歷雲臺。直至今同袍。公憤協諸岑。縱教密網。鞭笞死難。二孤  
臣犬馬心。日下提陀驅細犢。宵長獵婢促紋砧。請看兩桿旂槍  
外。搖落邊關木葉深。

卜歲清泉貯土楮。時熙真覺上春臺。竹刀設裏劔蝸角。崖蜜房  
中漬鼠胎。潮落烏蠻歸白日。山沈瘴母失黃梅。灘江舊是英雄  
局。重向紅羊認劫灰。

莽莽高城接大荒。閒遊風日蔽桄榔。嬌嬈四姓芙蓉髻。珍重南  
芳草木裳。深室夜繅龍段布。斷崖春散麝臍香。分明舞閣飛樓  
處。小李山川對夕陽。

靖江王邸

憐他攻掠苦難休。鼓角頻看野戰稠。木客好吟新樂府。扶南原

是古諸侯奇兵出沒相思寨。明月笙歌獨腳樓。便上奇雲亭上望。離人多少軫鄉愁。

驚心齊指亂峯間。十去征夫九不還。黑日暗。霾人鮮。甕陰風寒。徹鬼門關。髑髏一夜游魂泣。石乳千秋怨血斑。指點蒼鷓啼碎後。蠻煙蛇霧有無間。

旅食艱難厭此身。頻商南略重經綸。浮家未必如龍種。避俗吾尤愛馬人。抵掌肯容參幕府。握奇何必怨風塵。西來便是輜軒使。擊劍哀歌又幾春。

華蟲金碧古何鄉。近水人家壓粉牆。谿峒上游環桂海。山川南盡接衡湘。廢城積雨生榕樹。略彴微霜渡海棠。

橋名在烏巒國  
秦少筆蹟

自古八蠻佳麗地。可堪還問踏搖娘。  
流落人間不易才。甘心蛇口事堪哀。  
無家張儉奉裳去。有恨靈均繭足來。  
百粵已從彈鋏老。諸蠻留取著書材。  
天南法物飄零盡。不見當年綠綺臺。

梁序鏞

臘梅四首

誰占東風第一開。春官黃榜冠羣材。  
仙盤莖露恩承罷。御燭蓮花夜送回。  
玉笛不愁吹更落。金樽長伴醉還催。  
前生修到瞿曇佛。磬口檀心又帶來。

又云  
乘蓮柳任歌金縷  
曲乘蓮柳任歌金縷

黃子高

石經  
優番  
馬

醉中走筆成歌

生不。欲。為。上。柱。國。死。不。願。作。閹。羅。王。一。月。二。十。九。日。醉。百。年。卅。  
萬。八。千。觴。園。花。岸。柳。各。有。態。去。燕。來。鴻。空。自。忙。詩。成。擲。筆。出。門。  
去。大。笑。天。海。風。琅。琅。  
似自此有摘句圖佳句選不勝選  
以此嵌奇磊落以氣勝也

蔡如苹 鹿野山人 龍山

白鸚鵡

一。場。春。夢。笑。空。虛。不。去。殷。勤。慰。瑟。居。珠。串。豔。填。樊。素。口。銀。河。秋。

望。阿。環。書。霜。欺。星。鬢。冠。初。整。風。曉。晶。簾。羽。不。梳。莫。妒。練。裙。頻。寫。

破。墨。乾。呼。換。玉。蟾。蜍。  
吳林光黑牡丹云風塵劫滿  
神仙老翰墨綠深富貴難滿

高士釗 西山順德人

哭琢山

少微一隕海天寒。痛定回書淚未乾。交到忘形今不易。死無遺恨古原難。夢魂我尙思張劭。哀樂人誰似謝安。玉樹可憐憔悴盡。義荆堂北忍重看。

謝蘭生

傳略見五古

偶成

壬戌十一月十五夜

撒手緣雲上。太清霎然拂袂下。層城空中樓閣仙。山色耳後風濤海。水聲古簡未窺周內史。青衫仍繫魯諸生。金丹有訣重開竈。九轉何時煉得成。

納納

納納乾坤著此身。了無一事得如人。不勞筋骨吾何恃。才閱風  
花跡。便陳飲水半生安。偃鼠圖形千載讓。麒麟雕蟲豈是屠龍  
技。也費工夫鍊未純。

又夜過一子星陵浮水來真神灑之面清風

### 痛次婚劉孟韜

三載麻衣黯自傷。更何餘淚哭東牀。倏驚出出喜。喜事如壞田  
田殷。殷牆大杖不逃真。剜肉返魂無術矧。醫瘍此災十九關。謠

詠水底含沙刃似霜。次劇可憐與杖不逃句其事未詳

猛雨狂飈觸總帷。一燈如豆紙錢飛。勉邀親串為同伴。生怕伶  
俖要大歸。贅也幾時知恤緯。兒兮他日恐無衣。硯田舊憶同甘

苦。菜把應為汝蕨薇。

冷泉亭

天。外。孤。峯。飛。著。地。空。中。諸。竇。不。曾。開。漱。將。靈。液。爲。鳴。玉。流。到。紅。  
亭。未。出。山。倚。檻。堅。陪。諸。佛。坐。斷。雲。時。帶。一。僧。還。元。津。幽。榭。何。須。  
問。八。德。真。源。在。此。間。

徐 榮

鐵孫廣州漢軍駐防道善畫士官福建漳龍道新

要錄懷古  
田舍詩集

春陰

九。十。韶。華。一。半。癡。三。分。春。色。二。分。遲。花。如。有。淚。鷓。三。請。柳。待。扶。  
頭。酒。一。卮。誰。解。較。量。蜂。蝶。恨。天。方。斟。酌。雨。晴。時。朝。來。生。意。知。多。  
少。只。有。牆。陰。老。菌。知。



石元輝

嶺南第一樓木棉亦詠廣東木棉類凡百首

第一樓開第一花燭天照海吐丹砂離明正氣鍾神秀木德重

光燦物華幹抱九衢行地日影燒三月渡江霞元龍百尺時翹

首絕代文章冠萬家黃蒼崖文宋芷灣國繁華偏霸氣春風

丹卽黃論香石緒亦佳樹人燕伯鸚鸚云飛龍山飲鬣皆赤啼劉智孫空頂無換

情用曾故此能送超劫運多

譚瑩傳略見七絕

桐花鳳

飛去飛來總渺茫羽毛端使絢春光填詞未必非坡老新語謂東坡倒

一掛種綠未必然風別畫扇偏教遇贊皇如此文章論邊幅為誰顛倒

到衣裳相逢徒憶年時事博得人呼小鳳凰頭又風云一度平怕說一敘

容惘看然又也有知悼亡之感也眼詠不黃使秋光秋太寂如寥帶病

羅惇衍

學椒生倭順德端人道仁光進名時官有北部倭尚南書羅諡之稱有生集平義

六軒讀首史自七註律之一千

郝經

使元留世祖時充國信

金明池上雁高飛蘇武南還爾北歸夷夏幾人全使節江淮三

路策兵機魯連表斥機姦外陳壽書釐體例非猶憶和殖親疾

療九齡奇慧世間稀文恪前生為義順母苦病劇禱天讓金剛壽廿書

年三

楊維禎

一枝鐵笛萬梅花。譜得清歌倚鳳琶。座上賓朋雜方外，集中樂府自名家。小營臺圃輕三島，歸去神仙迓九華。赴闕十旬成史例，白衣瀟灑又天涯。

楊榮緒

孟桐  
官翰林  
院人  
編成  
修

鄴中懷古

鼎峙漳南據要區。天心何事屬當塗。才多子弟家非福，老去英雄見亦愚。石表預愁名寂寞，笙歌猶戀死歡娛。凌雲景福都零落，豈但銅臺片瓦無。

隋宮懷古

玉楯珠闌付水流。繁華猶說古邗溝。叢叢戰骨千家哭。草草殘  
棋一局收。螢苑煙花唯照月。柳隄風雨易成秋。文人別有蒼涼  
感。不問迷樓問選樓。

李徵爵

浮邱井

仙人知閱幾滄桑。井幹鬚髻石髮長。度世記曾偕子晉。傳經又  
見逮元王。雲霄一去騎孤鶴。城郭重歸認五羊。仰乞刀圭吾未  
敢。只求涓滴洗愁腸。

陳良玉

晴眉閣

城北黎忠  
愍遺蹟

畫閣嵐光接碧虛。晴峯遙抹黛難如。十眉環列朝開檻。雙燭高  
燒夜著書。報國只憑心膽在。此身肯老戰爭餘。可憐灑盡虔州  
血。寂寞蒿萊沒故居。

讀赤雅追和黃蓉石比部

十二首之末

幾載秦淮作俊遊。孝陵草色秣陵秋。諸公華省供長揖。名士詞  
場占上頭。眼見全遼關外棄。心驚五管筆端收。談兵尙有蓮鬚  
閣感喟同時第一流。

譚宗浚

傳略見五律

順庵

居然樂府惜中興。秦柳蘇辛想定評。逐客何堪論寵遇。詞人不

幸。急。功。名。銷。沈。瘴。氣。霾。荒。徼。彷彿。朝。班。夢。舊。京。腸。斷。蒼。梧。殘。照。  
在。年。年。花。鳥。不。勝。情。

招太冲

白桃花

洗。盡。嬌。紅。出。翠。帷。玉。人。無。語。對。斜。暉。綠。華。前。度。通。仙。譜。天。水。何。  
年。染。素。衣。宴。罷。瑤。池。春。夢。斷。影。寒。姑。射。夜。深。歸。禁。煙。時。節。多。風。  
雨。莫。遣。繁。華。一。片。飛。

笑又對云  
面窺無  
言有態  
憐如含

沈世良

白桃花

風。流。曾。許。老。禪。參。冰。雪。聰。明。自。不。凡。未。要。黃。絕。稱。道。服。愛。裁。白。

紵作春衫。玉臺懺後朱顏換。銀字歌成綺語刪。猶有袁家雙燕。

子雪衣相訪話呢喃。

又云畫中流水春無影。扇底東風暖不知。

### 和張船山驛柳四首次原韻

江湖落魄檢征衣。解帶低憐減瘦圍。色送春旗愁目斷。影搖烏帽認人歸。頻年度曲黃驄老。一樣無家紫燕飛。更有閒情添未了。天涯芳草戀依依。

蓬鬢蕭蕭背夕陽。驪歌慣聽唱他鄉。晚涼駐馬收殘雨。瘦影籠蟬怯冷霜。攀折不堪前度感。纏綿猶憶少年場。浪遊消盡輪蹄鐵。青眼相看淚幾行。

### 黃遵憲

傳略見五律

早行

堤長已歷八九折。柝擊猶聞四五更。涼風吹人抱衾臥。殘月在樹啼烏聲。東方欲明未明色。北斗三點兩點星。腐儒饑寒苦相逼。驅車自唱行行行。

夜泊

一行歸雁影零丁。相倚雙鳧睡未醒。人語沈沈篷悄悄。沙光淡淡竹冥冥。近家鄉夢心猶怯。拍枕濤聲耳厭聽。急趁天明催艫去。開門斜月帶殘星。

春暮偶遊歸飲人境廬

某水某山我故鄉。今時今日好容光。頻年花事春三月。獨我飄



零。天。一。方。門。外。驪。駒。猶。在。道。堂。前。燕。子。穩。棲。梁。金。盆。月。澹。葡。萄。  
綠。便。擬。狂。飛。千。百。觴。

### 感事

授。受。元。戎。紀。上。儀。帝。堯。訓。政。典。留。貽。誰。知。高。后。垂。簾。事。又。見。成。  
王。負。辰。時。九。鼎。齊。鳴。驚。雉。雥。千。金。懸。格。購。龍。醫。白。頭。父。老。紛。傳。  
說。上。溯。乾。嘉。淚。欲。垂。

上。變。飛。騰。赤。白。囊。兩。端。首。鼠。卻。奔。忙。剛。聞。赤。板。連。名。奏。便。召。長。  
槍。第。六。郎。馳。騎。鎖。門。謀。大。索。屯。橋。阻。水。何。非。常。珠。襦。武。帳。諸。臣。  
侍。亟。詔。明。晨。幸。未。央。

推。車。弄。頂。看。文。康。變。態。真。如。傀。儡。場。五。百。控。弦。謀。劫。制。一。丸。進。

藥。失。先。嘗。傳。書。信。口。訶。西。母。改。制。稱。尊。託。素。王。九。死。一。生。仍。脫。  
走。頭。顱。聲。價。重。天。亡。

下。詔。曾。宣。母。子。離。初。聞。逐。諫。後。笞。兒。心。肝。誰。奉。藏。衣。詔。骨。肉。難。  
徵。對。簿。詞。一。網。打。餘。高。鳥。盡。九。泉。曲。處。蟄。龍。知。恩。牛。怨。李。原。無。  
與。莫。誤。忠。奸。讀。黨。碑。

師。未。多。魚。遂。漏。言。如。何。此。事。竟。推。袁。柏。人。誰。白。孱。王。罪。改。子。終。  
傷。慈。母。恩。金。玦。厯。涼。含。隱。痛。杯。弓。蛇。影。負。奇。冤。五。洲。變。法。都。流。  
血。先。累。維。新。案。盡。翻。

初聞義和團事感賦

無。端。桴。鼓。擾。京。師。猶。記。昌。陵。鼎。盛。時。今。日。黃。天。傳。角。道。非。徒。赤。

子弄潢池冠纓且教宮人戰繡鬪還充司隸儀晝夜金吾曾不  
禁未知盜首定何誰

九百虞初小說流神施鬼設詔兵謀明知篝火均狐黨翻使衣  
冠習狗偷養盜原由十常侍詰姦惟賴外諸侯竹筐麻瓣書團  
字痛哭誰陳卹緯憂

博帶峨冠對舊臣三年緘口諱維新儘將兒戲塵羹事付與尸  
居木偶人紹述政行皆鐵案黨人獄起又黃巾卽今馬趙來宣  
撫猶信投戈是義民

述聞

太阿倒授又移權便到元黃血戰年狂喝梟盧天一笑怒訶狗

脚。帝。三。拳。垂。虹。上。貫。重。輪。日。瀉。海。橫。分。九。點。煙。畢。竟。圖。王。圖。作。賊。無。端。殿。下。比。雷。顛。

說。有。蒼。天。不。死。方。盜。泉。一。飲。衆。皆。狂。人。言。細。柳。都。兒。戲。我。欲。傳。芭。哭。國。殤。鬼。吏。三。官。明。作。賊。神。兵。六。甲。解。擒。王。古。今。多。少。昏。荒。事。併。付。盲。翁。負。鼓。場。

感事和邱仲闕

逢甲

三。邊。烽。火。照。甘。泉。聞。道。津。橋。泣。杜。鵑。帝。釋。亦。愁。龍。漢。劫。天。災。况。值。鼠。妖。年。流。離。苦。語。傳。黃。蘖。盜。竊。迷。香。幻。白。蓮。寫。哀。辭。金。鹿。痛。人。間。何。事。不。顛。連。

黃蘖 藥白蓮 蓮義和拳即白漫 蓮教離卦徒白漫 聖用俗事能雅麥 廉旬運軍未決薈薇

戰大黨招禍鷺開瓜蔓抄可微開黃滿紙詩道一欲厄蒼生

無人伏闕諫青蒲事誤都由六尺孤當璧咸尊十阿父折筮思  
服小單于黃襪擁護難爲婦寶玦淒涼乞作奴同此王稱同此  
禍早知金狄讖非誣危拙亂句云一慈禧與未二句攝政兩朝

附錄

庚子六月圍城中

鄒崖

六甲玄符下紫清宣和北伐太無名豈徒蠻瘴臨江府黃慎

撰因白蓮黨嫌可疑青衣五國城徐桐力持死社稷海外文章

成黨錮儲禍戊己亥建淮南方技好談兵玉津園外先惆悵碧

血泔泔獻敵營不幸言中

諱諱祆廟委煨塵景教西行許大秦兩戒山河成黑劫一朝

忠義是黃巾。翠微遺句悲。誅錯內史名。言憶降莘不爲旱。荒寧至此畿南赤地盡飢民。

于式枚

晦若廣西人

### 秋雨四首

冥冥槭槭撼霜扉。寂寞秋懷減帶圍。舊苑鶯花新鬼唱。京華車馬故人稀。五更淮上酒初醒。一別江南行不歸。猶是消魂廣陵樹。去年曾此溼羅衣。

幾陣涼音激露柯。一叢寒色鎖煙蘿。白頭江令丁年夢。素手吳娘子夜歌。越國雲山俱冷落。梁園賓客竟蹉跎。當時南浦銷魂

路秋水依然漲綠波。

晦若生於粵學於桂又與余同官武選司忘其桂矣故錄之

呂洪 人拔湖鶴山人

望氣樓

珠。璣。玳。瑁。古。炎。洲。伏。雨。闌。風。瘴。海。頭。一。自。衣。冠。來。典。午。千。年。文。  
物。賽。中。州。山。川。勢。鬱。盤。龍。虎。分。野。芒。寒。接。斗。牛。今。日。不。堪。回。首。  
望。穗。城。昏。暗。半。氈。裘。  
行先肫篤不八拘小而節內

桂文熾 傳略見五古

題黎忠愍蓮鬢閣畫像

千。里。勤。王。誓。義。師。獨。攜。孤。劍。守。城。陴。萬。言。曾。草。中。興。策。五。字。空。  
吟。絕。命。詞。魂。氣。白。連。滄。海。月。血。痕。紅。上。嶺。頭。枝。至。今。江。水。聲。鳴。  
咽。誰。采。蘋。花。薦。古。祠。

黎維樅

鷓鴣

漠漠江雲壓斷篷。悽聲如喚石尤風。魂消隔浦春帆外。情繫離亭煙柳中。湘水淚盈斑竹翠。越岡啼徧木棉紅。臨河珠女聽來慣也學迴波唱惱公。

汪琬

燒筍

招客來參玉版師。山厨煙火日遲遲。曾偕籐菜誇雙妙。難得櫻桃共一時。詩句幾人無此味。盤飧我輩劣相宜。渭川千畝胸中貯。喚作清饑也不辭。



陳昭常

簡持新會人  
吉林持新會人  
巡撫

壬辰出都四首

結友遊山兩意濃。別來無恙話前蹤。登科姓字崔昭緯。入洛聲名陸士龍。幸了宿緣遊萬善。未酬壯志出居庸。南還何物堪持

贈。做篋黃塵幾許封。

華下第與陳景  
遊西山

梁鼎芬

傳略見五律

贈長素三首

牛女星文夜放光。樵山雲氣鬱蒼蒼。九流混混誰真派。萬木森森一草堂。但有羣倫尊北海。更無三顧起南陽。芟衣蘭佩夫君

笑。蕉萃行吟太自傷。

萬長素講學以此名  
木素講學以此名

驚聞滄海橫流日。被酒出門君向誰。蟲臂鼠肝凡幾輩。虎文羊質自當時。勞生漫擬郊居賦。并世休辭黨籍碑。可悟誠齋孤憤語。頭顱如雪愧瘡痍。

此又壬午但發未間梁孟贈答不妨後以政見不

贈江生 孝通

草木清深講舍開。得人勝獲百瓊瑰。義猶兄弟真投分。盡江山識此才。風氣晚趨嫌薄朽。根源早出要淵該。餘生報稱知無日。覺世修身汝可裁。

更無鸞鶴刺天飛。獨對殘陽憶翠微。上界最工餐玉訣。侍童都著縷金衣。千株桃杏翻明飾。一隊笙簫逐紫騑。始信神仙原咫尺。

尺不勞雞犬說知機

無疑  
起歸  
上後  
封傷  
事翰  
者林  
院

聞王二殿撰仁堪出守鎮江

帝命詞臣守潤州聲名謬出時流懷恩共信心如面發議真  
如骨在喉略慰平生將母願定據當軸蔽賢憂得君已辦焦巖  
酒如此江山那可求

題孔北海集

誰及秋霜琨玉姿遺文散落特英奇我心似石堅難轉國事如  
棋亂可知空有盛名驚劍客獨於儒術見經師比鄰却慮稱交  
早真恨才疏到死時

游龍文故園追悼與表弟鳳鏹話別

鹿已生。雛竹有孫。再經華屋。愴生存。清光猶見。鑑湖月芳意。曾題半畝園。遺器東廂房。忍覲明珠南。越世方喧射。雕身手湮沈。早不縛天驕。大此門。

蒼莽兵塵一局棋。淒涼舊館兩孤兒。剖肝自見原非福。唾面能乾恐太卑。風雨獨存蘭杜性。江湖深負鳳鸞期。短衣犯雪明朝別。不到津橋聽子規。

雲帆方丈出示寶竹坡侍郎所遺帶

時感侍郎新逝  
悼賦此

東坡留帶偶然耳。後者文襄一楊公今竹坡。事過百年人始貴。我無一物意還多。較量興趣難慳句。想像神儀各有科。心斷蘭叢

霜一襲。閒堂獨坐夜如何。

訪潘孺老雷瓊館有贈

雪殘萬念入支頤。羈羽沈鱗共一時。瘦固勝肥誰則覺。生何如死。世還疑。棋當危極須心力。花到良辰已鬢絲。每恨古人吾不見。掃除獨見閉門時。

獨遊甘露寺

鐵塔燒殘已不成。寒鴉古徑少人行。憑高望海天方大。傷遠思鄉歲又更。壁上久無靈運畫。山前誰見贊皇名。講花飄雨僧同盡。坐聽風迴浪打聲。

對雨同朱蓉生作

雞鳴昨夜報荒村。景物瀟瀟朝掩門。驟雨飄風今竟日。交柯亂

葉。莫。尋。源。偷。香。棖。桷。驚。雛。燕。貪。餌。池。塘。出。老。黿。如。此。光。陰。劇。蕭。  
瑟。畫。情。約。略。待。君。論。

无咎室憶晦若

梅。花。如。玉。綴。苔。枝。曾。照。晴。窗。點。易。時。南。北。路。分。何。日。合。風。雲。事。  
速。獨。君。遲。義。山。濩。落。裁。詩。怨。根。矩。飄。零。得。食。悲。閒。卻。長。楊。詞。賦。  
手。上。清。淪。謫。益。悽。其。

銘按察招同潘孺老飲錦榮街寓廬

燈。前。二。老。說。昇。平。我。亦。雍。容。共。此。情。小。雨。夢。回。天。自。放。好。春。花。  
謝。鳥。猶。孳。經。過。陵。谷。成。翁。早。沈。醉。江。湖。入。世。輕。不。到。明。朝。便。陳。  
迹。櫟。樓。况。已。報。深。更。

己酉端午獨坐成詠

文武如雲士女狂。鼓船端午競江鄉。繁華非復當年事。幽獨難  
爲此日觴。白髮滿簪成老輩。朱書在篋感先皇。賦情羽扇低徊。  
絕欲與劉侯說荔香。

丁未十二月二十六日乞病紀恩一首

多病光陰負罪身。天恩今許作閒人。堂堂千載蹉跎去。了了餘  
生涕淚新。草木力微安得療。江湖心遠更相親。衰年那有酬知  
日。歸種山田算一民。

世此爲官湖北按察使謝恩劾袁  
凱傳旨申飭告病開缺作

康有爲 傳略見五律

澹如樓讀書

在西樵銀塘  
鄉七楹園

三年不讀南朝史。瑣豔濃香久。懶薰別有遁逃。聊學佛。傷於哀。  
樂。遂能文。懺除綺語。從居易。悔作雕蟲。似子雲。憂患百經未聞。  
道空階。細雨立斜曛。

戊子出都留別諸公

滄海飛波百怪橫。唐衢痛哭萬人驚。高峯突出諸山妒。上帝無  
言百鬼獰。豈有漢廷思賈誼。拚教江夏殺禰衡。陸沈預爲中原  
歎。他日應思魯二生。

天龍作騎萬靈從。獨立飛來縹緲峯。懷抱芳馨蘭一握。縱橫宙  
合霧千重。眼中戰國誰爭鹿。海內人才孰臥龍。撫劍長號歸去  
也。千山風雨嘯青鋒。



嶺南詩存  
表海神旂啟帝都。西山王氣未榛蕪。百年感愴伊川髮。萬里蒼茫屬國圖。原廟幽靈呵恍惚。鈞天廣樂聽模糊。無端又作觚稜夢。起視扁舟落五湖。

示任甫孺博書與曾重伯翰林

三千劫裏橫金翅。二六時中看白牛。終日散花忘結習。諸天聞樂小淹留。脫將纓絡親貧子。故入泥犂救重囚。丈室八千獅子座。金身偶見不須收。

浴伊豆熱海登魚見磯

魚見磯頭孤嶼青。冥冥雲水見魚舫。茫茫身世雙筇杖。莽莽乾坤一草亭。熱海湧煙衝地上。怒濤捲石帶潮聽。太平洋遠天還。

近。夜。夜。驚。波。訴。不。平。

環翠樓浴後不寐夜步迴廊

電。燈。的。的。照。樓。臺。夜。屨。游。廊。幾。百。回。明。如。月。心。難。掇。渺。渺。微。  
塵。劫。未。灰。風。葉。一。秋。疑。積。雨。瀑。泉。竟。夕。隱。驚。雷。曉。珠。斗。大。盈。懷。  
抱。倚。徧。銀。屏。數。去。來。

廖廷福

錫茲南海人

綠陰四首

不。藉。階。前。簞。箴。篷。天。然。空。翠。隔。瞳。矓。拓。來。餘。地。三。弓。暗。表。出。餘。  
花。數。朶。紅。藤。簾。望。中。宜。位。置。藥。欄。低。處。見。玲。瓏。尙。嫌。逗。漏。炎。光。

入。添。種。當。簷。竹。數。叢。

梁餘地節庵詠遙笛龍云誰信漏天能補綴了無

數尺

陳璞 古漁

題酥醪觀

何年神女醉仙漿。萬片煙霞尙酒香。綠字靈符留竹葉。丹砂餘氣茁山薑。休論服食飛昇遠。自是山林日月長。洞裏道人多鶴髮。問渠卻老本無方。  
復又佛子雲曠雨望云影一峯遠雲去一分

何仁山 梅士

酥醪道中符竹峯望白水門

徹耳風濤繞足泉。嵐光四面淨霏煙。松杉綠抱峯腰屋。穉種黃鋪嶺腹田。路熟恍如披舊畫。山高難似上青天。羨他撥霧披雲

者撒手行歌上翠巔。

陳銘珪

傳略見五律

登白水門絕頂偕道侶王圓修

招攜道侶問仙源。曲曲溪流小小村。  
路入飛雲穿峽蝶。人緣峭壁類猢猻。  
崖懸樹逼身如葉。石坼濤撞水有門。  
聞說坡公此延佇。天瓢奔注手曾翻。

洽洽天外響笙鏞。回首雲梯已萬重。  
上界纔聞仙鶴語。盤陀時有野人蹤。  
草交綠澗途間濕。花倒紅分澗底紅。  
爲約三更觀日出。

出道童爭指最高峯。

紅巾亂觀荒坵故有仙鶴語句

江逢辰

傳略見五律

九日宴菱湖水閣

采采菱花煙水潯都來江漢醉蘭襟珊鞭珠勒張公子月佩雲

冠梁翰林君立試問百年幾佳節會須十日九清吟西川楊與

河間紀叔蟠莫放今朝酒淺深

過譚逸人居

此老談言妙天下世人尙落九流家十時山寺掃落葉半日江

濱看晚霞寂寂籟航萬脩竹明明水鏡一空花化書不著皆鱗

爪餘論何妨與齒牙又無情似擲泥無爾我味如嚼蜜微中邊折

過偷博山煙羽調怕聞三疊曲枯禪誰戀八關齋殊絡垂星迴夜柔

忘騎形華交嘗集句書贈余云近來海內為長句天亦弄英狡雄與唯使君為

必余不  
騰敢受  
上龍長  
性誰素  
能集句  
馴不贈  
余云  
勉虎  
耳氣

梁于涓  
杭雪番禹人  
禮部主事

### 張學士幼樵謫戍有贈

金雞昨夜下形除木葉山頭尚戍居名士有時隨塞雁諸軍何  
罪葬江魚左驂待許齊嬰贖前席猶陳賈誼書太息蒼鷹成凍

雀玉關遙望玉堂虛  
張見此詩  
頗恨之

丁壽康  
叔雅豐順  
人主事

感懷  
甲午中日之役

百無聊賴過零丁遙睇中原一髮青避地詩人哀故國渡江名  
士泣新亭山河運歇英雄盡鼙鼓聲沈戰血腥鶉首賜秦天亦

醉。祇。憐。羈。客。獨。長。醒。

陶邵學

子正  
閣番  
中馬  
書人  
進

零落

零。落。懷。中。薜。荔。香。燕。飛。不。到。鬱。金。堂。  
微。波。未。許。通。湘。浦。落。月。還。疑。照。屋。梁。  
在。下。願。爲。青。籟。簟。生。平。久。置。紫。羅。囊。  
浣。紗。溪。畔。春。風。晚。欲。采。薜。蕪。空。斷。腸。

蟄庵

崇效寺看花

悵。臥。春。歸。十。日。陰。落。花。臺。殿。更。清。深。  
被。闌。碧。葉。如。相。語。辭。世。青。鸞。不。可。尋。  
物。外。精。藍。誰。捨。宅。亂。餘。梗。莽。漸。成。林。  
迷。陽。卻。曲。饒。憂。

患那得端居長道心

於風神調婉求約工情而韻詩學絕自矣有昔摘人所譏集者只

子只是做得好對  
數十聯者也

### 送蔣惺甫侍御

在山猛虎今無用蔽日浮雲終古陰三穴未營饒兔計一官真  
擬汨羅沈頗聞賈誼酬宣室徒遣相如賦上林惆悵故人成獨

往江湖滿地有遐心

惺甫同年以劾慶王  
貶回原衙門行走

### 送王撫州乃徵之官

遠下鸞皇閉九閭更無鷹隼擊秋原匡牀諫草收殘篋歸路荷  
花感聖恩一郡江湖閒不極五更朝鼓斷相聞王居虛有橫流  
歎又向新亭悵失羣



附錄

庚戌送江荇村侍御

春霖

歸梅陽

蔣王一江空趙四室御史去

也亡

鄒崖

彈劾頻聞到懿親先朝得罪問何人

疏中語時袁垣

廷推未可

歸西錄家事終難預外臣自分莠言誅少卯

論旨

不辭黨籍

附安民椒園我欲焚遺藁慟哭瀛臺淚滿巾

己酉三月余赴

袁荇村激子實錄摺劾慶

陳事風聞許諫垣臨軒召對况溫言名嫌太好知臣罪秩不  
曾鑄亦國恩母自能貧輕宰相朝無闕事愛邱樊宮廷頗費

調停苦應信移官豈至尊

論貴跡近好名仍回原衙門行

明朝歸去海。雲鄉曲巷榕陰舊。草堂七疏頗慚包。孝肅語摺中  
單車尙召顧。涇陽以言報國謀。何拙再起還朝貌。更蒼好向  
武夷精舍築。抽閒且學種茶方。

黃紹憲

傳略見五古

酒醒二首

酒醒方知獨。夜身一天風。露正愁人見。時疏忽情還。澹別後思  
量。味轉辛。湓浦琵琶今日淚。甘棠瑞湖名在湖月幾時親。便從彭

蠡分帆往。夢逐蘭川

木蘭江川在

問去津

伯情韻未訪得其孝廉枚

蕉簟籐牀向晚移。豆棚月上最相思。欲期後會遲題畫。時畫白

及題詩未

強慰離愁代解詩

能屬說頭略別詩

仙府清虛玉華洞

昌在東瑞

荷花時節白家池。

養九魚江種府西樂天

涇陽極浦勞相望。千里明蟾。

定照誰。

北懷

夢逐洪崖笑拍肩。蓬萊清淺是何年。春蘭秋菊成終古。蕙帶荷纒不世緣。寢遠愈疏行老矣。媒勞輕絕一潛然。芳馨折就憑誰寄。夜夜相思繞酒船。

夏至古藥洲卽事

翠旂孔蓋望翩翻。只許荃蓀合妙年。雲際誰須仍珥節。江皋朝鷺謾游仙。芳洲杜若勞相遺。木末芙蓉未解拳。苦被迴風阻偕逝。靈脩何日降連蜷。

賴洪禧 東介生

三遊羅浮由角前登岸至佛子凹

盤紆小水到山隈。前度看雲客又來。十載自慚塵面目。一門新鑿古蓬萊。飛流礙石斜通笕。野蔌登盤快舉杯。四百卅君齊拱揖。別來無恙笑顏開。

附錄

天命

辛亥十二月朔六日在  
外部見北軍電感作

鄒崖

長白山頭松栝彫。入關王氣未應消。中原劫火纔三月。喬木荒煙已十朝。豈謂雲雷屯虎豹。竟教風雨感鴟鴞。年來愛讀曹公傳。天命何曾敢惠徼。

有贈

辛亥十一月

鄒崖

曉。過。濯。龍。槐。柳。東。兩。潘。二。陸。記。相。逢。人。如。秋。去。春。來。燕。天。有。  
朝。南。暮。北。風。漫。擬。鷓。鴒。爭。腐。鼠。任。教。鳧。乙。認。歸。鴻。望。塵。縱。向。  
車。前。拜。解。璽。寧。須。舊。侍。中。

雜憶

癸丑

鄒崖

神。龍。有。慾。從。人。擾。山。木。無。材。得。自。全。春。盡。燕。歸。知。漢。臘。雪。寒。  
鶴。語。憶。堯。年。巾。車。偶。過。陶。宏。景。閣。狀。寧。投。郭。恕。先。自。署。白。衣。  
前。進。士。殘。鷗。賸。鷺。送。華。巔。又甲寅秋感云頗幸  
未應好亂敢天遠看星夜半私流

涕聽葉霜前已見微倦羽關山何人日息有破舟非  
雨不知歸挑燈重讀頭風檄尙覺人間是非

自。慚。天。壤。一。游。民。陶。器。單。衾。見。道。真。溪。柳。易。生。緣。近。水。野。花。

亂放不成春。西山有罪成。殷腴東海何。顏冒晉臣仇復明他日。  
是非誰管得。長安點點馬頭塵。

海水一首 壬子

鄒崖

海水西流月左旋。深衣一誤四千年。氣來鴛鼠俄而化。理闕夔蚊各見憐。屈己共推菩薩行。至人還有讓王篇。九儒八妓休輕笑。擁髻伶玄亦泫然。

哭送梁文忠師傅葬梁格莊 己未

鄒崖

後門風雪鼓樓鐘。寓後門鐘鼓街樓哭望泰寧何處峯。十步園

牆江令宅。種樹廬即景陵百年心事茂陵松。歸魂怕見流

花塚。紹武君臣塚誠子長為賣菜傭。遺囑它日朝陵分麥飯。

五雲龍虎護重重。

雜感 癸丑

鄒崖

切雨藍風夢裏身。從今當作太平民。頗羞謝掾還尊孔。孔京津教

勸會必將

只惜劉蕡託美新。康門弟子半畝菜園心且住。一盂

麥粥食兼旬。鄴都浩浩菩提道。省識德彝亦士人。

廿載天橋一酒徒。青蛇袖底氣豪粗。流年豈謂逢猥尾。舊事

還驚捋虎鬚。黯黯秋魂猶昨日。茫茫天意在江湖。蘆灘篝火

時明滅。亡國誰能悟雁奴。殷尾楚王之國 殷辛

只恨慵疏負聖時。空山小草避堯曦。負舟大壑人誰覺。占斗

漸臺夜未移。託興漫嘲三品石。招魂待續四哀詩。機將軍 虛

堂熟視愁風雨。野葛秋階蔓暗滋。

追感

壬子正月

鄒崖

青史無從覆舊棋。歸周白馬盡微箕。十年養士有今日。九廟勤民又一時。陶阮亦曾污偽命。羲炎以後此朝儀。人民城郭都無恙。五色風揚大國旗。

明朝

壬子

鄒崖

明朝饑飽誰能料。一姓興亡未足悲。名字已登桑海錄。衣冠可是漢官儀。生逢堯舜今何世。論到荆凡費我思。昨夢光音天上到。金輪珠網總迷離。

光音界無之極軌  
女界共無之極軌

晨興

鄒崖



晨興心緒亂如麻。雨後攜鋤學種瓜。壞壁巧緣輸蝨。荒池  
狂吠厭蝦蟆。於人無補羞充隱。此事終知似煮砂。只恨故巢  
蒿艾滿。歸來秋燕已無家。

春興

鄒崖

春來雜興寄田園。不廢茅檐負日暄。昭諫詠松原有託。淵明  
述酒欲無言。被爲  
酖晉恭  
帝何妨鄭五作宰相。未信朱三有子孫。  
偶與山僧潭柘話。雪中銀杏至今存。稱潭  
爲柘  
帝銀杏  
樹人

蒲輪

鄒崖

笑逐蒲輪入帝京。兔葵燕麥不勝情。昔年韓范分疆治。今日  
巢由下拜榮。薄有才名袁彥伯。不拘小節魏元成。少微星比

紫微小充隱。還堪飾太平。

夜坐聞鄰叟談史

鄒崖

胸無一物話羲皇。樹下春秋理頗長。角里出山終禍漢。沙陀入寇是尊唐。刺秦有罪應書盜。論晉何功早辨亡。愧我未曾諳史法。竈觚竊聽轉茫茫。

逸社小集貽楊茂才伯典

乙卯

鄒崖

此夕得爲文字飲。匝天風雪釀繁陰。籌安會勸進人經亂後

方思舊事到窮時。或悔今那有工夫。還拭涕更從何處與安。心商量舊學多宏達。不信山堂遂響沈。

無題寄明夷乙庵壁庵琴初

丁巳

鄒崖

五張六角恨相牽。璫札虛煩青鳥傳。金乙 陵卯 出冬 部三 議十 劉三 幼人 雲上 乘書

筆神女迷離原有約。寶王 田御 事史宓妃媚嬖忽難遷。通徐 電州斷無孤

掌能遮月不信羣。飛竟刺天二十八灘流。不定只愁墮落野。

狐禪。東願 歸君 語用 自桂

鈞天 丁巳

鄒崖

廣樂鈞天聽未終。將軍大醉去匆匆。爐香夾道雲扶輦。露刃

傳呼夜入宮。東海已簽歸命表。桀臺誰挽射天弓。中興首建

金陵策三十三人論罪同。傑 庵 不 與 評 黨 皇 綱 甫 爲 規 自 恨 所 以 怨 西 州 矣 豪